

6
萬 有 文 庫

第 二 集 七 百 種

王 雲 五 主 編

十 駕 齋 養 新 錄

(一)

錢 大 昕 撰

商 務 印 書 館 發 行

十駕齋養新錄

(一)

錢大昕撰

國學基本叢書

十駕齋養新錄序

學術盛衰。當於百年前後論升降焉。元初學者。不能學唐宋儒者之難。惟以空言高論。易立名者爲事。其流至於明初五經大全易極矣。中葉以後。學者漸務於難。然能者尙少。我朝開國。鴻儒碩學。接踵而出。乃遠過乎千百年以前。乾隆中。學者更習而精之。可謂難矣。可謂盛矣。國初以來。諸儒或言道德。或言經術。或言史學。或言天學。或言地理。或言文字音韻。或言金石詩文。專精者固多。兼擅者尙少。惟嘉定錢辛楣先生。能兼其成。由今言之。蓋有九難。先生講學上書房。歸里甚早。人倫師表。履蹈粹然。此人所難能一也。先生深於道德性情之理。持論必執其中。寔事必求其是。此人所難能二也。先生潛學經學。傳注疏義。無不洞徹原委。此人所難能三也。先生於正史雜史。無不討尋。訂千年未正之譌。此人所難能四也。先生精通天算。三統上下。無不推而明之。此人所難能五也。先生校正地志。於天下古今沿革分合。無不考而明之。此人所難能六也。先生於六書音韻。觀其會通。得古人聲音文字之本。此人所難能七也。先生於金石。無不編錄。於官制史事。攷核尤精。此人所難能八也。先生詩古文詞。及其早歲。久已主盟壇坫。冠冕館閣。此人所難能九也。合此九難。求之百載。歸於嘉定。孰不云然。元嘗服膺曾子十篇矣。曾子曰。難者弗辟。易者弗從。故聖賢所能。必爲至難。若立一說。標一旨。卽名爲大儒。恐古聖賢不若是之易也。先生所著書。若

廿二史攷異、通鑑注辯正、元史藝文志、三統術衍、金石跋尾、潛研堂文集、久爲海內學者所讀矣。別有十駕齋養新錄廿卷。乃隨筆札記經史諸義之書。學者必欲得而讀之。乞刻於版。凡此所著。皆精確中正之論。卽瑣言剩義。非貫通原本者不能。譬之折杖一枝。非鄧林之大不能有也。噫嘻難矣。元於先生之學。未能少測厓岸。僅就所自見者。於百年前後。約舉九難之義。爲後之史官傳大儒者略述之。

嘉慶九年歲次甲子小雪日。揚州後學阮元謹序。

自序

芭蕉心盡展新枝。新卷新心暗已隨。願學新心養新德。長隨新葉起新知。張子厚詠芭蕉句也。先大父嘗取養新二字。榜於讀書之堂。大昕兒時侍左右。嘗爲誦之。且示以溫故知新之旨。今年逾七十。學不加進。追惟燕翼之言。泚然汗下。加以目眊耳聾。記一忘十。問字之客不來。借書之紙久廢。偶有咫聞。隨筆記之。自慙螢爝之光。猶賢博籀之好。題曰養新錄。不敢忘祖訓也。嘉慶四年十月。書於十駕齋。

錢辛楣先生年譜序

唐宋以來名公巨卿皆有年譜。然必爵位功業道德文章炳耀一世。而又克享大年。則及身自爲之而無忝。後學代爲之而足徵。與國之史傳家之世系可互相參攷者也。唐香山居士白文公自編長慶前後各集。弁以年譜。今集中所刻出於陳伯玉李德劭之手。則公自編之譜久已散佚。然公之年齒官階時事出處一一見諸詩集。讀其詩而年譜卽在其中矣。嘉定錢竹汀宮詹甫。能言母沈太恭人指玉而二字教之。試以他書指認不誤。與香山之生七八月。乳母抱立屏下。指之無二字。百試不差者。正同。豈非文人偉業。異世相符者乎。先生鍾光岳氣。完之運立。堯舜廣歌之廷。年甫及艾。養疴里門。雖位止九卿。功業未顯。而道德文章中外仰之。如泰山北斗。著述之富。網羅百家。沾溉藝苑。高麗使臣在都。購其詩文集。鬻諸國中。與香山之日本新羅鈔寫其本者亦復相似。故翼謂先生卽我朝之白傅也。歲在庚申。獲交先生。從孫直卿學博。以先生年譜見示。壬子以前先生自撰。後十二年其曾孫又沂學博補編。受而讀之。知先生少壯時所親炙者。先達名流。而後之同年儕輩。門生新進。皆鴻博之碩儒。詞章之宗匠。尙論者可想見。當時國運之隆。人才之盛。而先生令名壽考。全受全歸。此又名公卿年譜中所罕覩也。憶嘉慶壬戌。先生重游泮水。翼年十四歲。不獲親瞻道範。及與令孫竹孫學博同歲游泮。禮宜晉謁門下。而哲人已萎。徒深歎慕。

迄今天假之年。龍鍾未死。猶得腆顏泚筆。附名於一代大儒之譜末。是則厚幸也。夫咸豐十年陽月既望。寶山袁翼謹撰於豫章郡寓齋。時年七十有二。

錢辛楣先生年譜

曾孫慶曾校注

竹汀居士年譜手編自題

謹案公諱大昕字曉徵一字及之號辛楣又號竹汀居士姓錢氏先世鳳里公諱鑑明正德間自常熟雙鳳里贅嘉定之盛涇管氏遂世居嘉定先世譜系所自遷嘉時已失不可攷鳳里公生北郊公諱浦北郊公生順郊公諱炳順郊公生侍郊公諱珠侍郊公生公瞻公諱岐是為公曾祖

雍正六年戊申正月七日戊午戌時居士生於嘉定望仙橋河東宅

謹案吾家自鳳里公始居盛涇再傳而析二支一居外岡一居望仙橋望仙橋鎮在縣城西十八里

先大夫年逾三十尙未得子姑夫沈組佩先生言房門不利當閉之而別啓戶焉如其言期年而居士生

謹案高祖中憲公諱桂發字芳五號小山縣學附生以公貴封奉政大夫翰林院侍讀晉贈中憲大夫詹事府少詹事著有方壺吟藁三卷享壽七十有九生於康熙三十六年至是年三十二矣沈諱張坊新陽縣庠生居嘉定以子魁官贈奉政大夫貴州威甯州知州

七年己酉年二歲

居士甫周歲能言母沈太恭人指玉而二字教之更以他書覆試卽指認不誤晬日家人陳百物於

盤居士諦視良久。惟取一筆。

謹案公集奉政公家傳云甫晬卽教以識字。

八年庚戌。年三歲。

沈太恭人歸甯。攜居士至外祖宅。外祖喜其慧了。引詣諸戚友家。見堂上扁聯。皆能成誦。

謹案公外祖沈處士諱時俊。居青浦之黃渡鎮。

九年辛亥。年四歲。

十年壬子。年五歲。

始從塾師曾獻若先生問字。

謹案奉政公家傳云。比五歲。受以經書。稍暇。卽與講論前代故事。詳悉指示。傳記憶勿忘。乃止。如是者殆十年。曾公諱佳。縣庠生。中憲公業師。

十一年癸丑。年六歲。

十二年甲寅。年七歲。

先大夫移居河西宅。

十三年乙卯。年八歲。

乾隆元年丙辰。年九歲。

謹案是年中憲公入學公集中憲公行述云年幾強仕始受知於學使禮部侍郎桐城張公廷齡三上秋闈不遇杜門課徒自給

二年丁巳年十歲

大父奉政公館望仙橋楊氏即從大父受業初學爲八股

謹案奉政公諱王炯字青文號陳人縣學生鄉飲大寶壽九十有二著有字學海珠三卷星命瑣言一卷以公貴贈奉政大夫翰林院侍讀奉政公夙精小學教以訓詁音韻公能貫通大意奉政公嘗謂此子入許鄭之室無難也

自夏至冬病疥廢學

三年戊午年十一歲

始應童子試

謹案是年邑令爲咸甯黃公建中

四年己未年十二歲

先大夫館外岡族父元禮齋從先大夫學

謹案外岡鎮在縣城西十二里元禮先生諱楷國學生與公同出北郊公

五年庚申年十三歲

仍從先大夫在外岡書齋其夏復應童子試邑尊永嘉林公諱上梓面試大加獎賞揭案名在第六

先大夫攜居士謁謝公曰。令子遠大之器。不必欲其速售也。

六年辛酉。年十四歲。

先大夫館族兄彥輝齋。仍從先大夫學。

謹案彥輝先生諱燿。國學生。與公同出順郊公。又案中憲公行述。初館元禮先生齋。後館彥輝先生齋。皆攜公自隨。晨夕督課。當是時。舉業家皆不習詩。生徒或私作韻語。則父師相詬病。以為妨於制義也。中憲公獨喜教公為詩。示以唐人安章宅句之法。則公之始學為詩。當在此三四年間。是秋中憲公赴江甯鄉試。公即攝館。

七年壬戌。年十五歲。

是歲負笈入城。從曹丹五先生學。同筆硯者。陸昌雅、李斗祥、韓萬原、徐毓洲諸君。及先生之子習庵也。

謹案曹封翁諱桂芳。號檀潛。歲貢生。習庵學士名仁虎。字來殷。辛巳進士。陸名授詩。與公同入泮。少年有才。早世。韓名本。徐名灑。秀皆縣學生。公詩集有徐毓洲讀書僧舍集杜詩相寄之作。又嘗為記芥舟山房見文集。

其夏復應童子試。受知於學使內閣學士劉公、諱藻。覆試日。見居士方髻齡。別置筆硯於它所試之。較原卷更佳。次日復特招覆試。以焉知來者之不如今也為題。試畢獎勵甚至。贈以筆墨數事。公嘗語人曰。吾視學一載。所得惟王生鳴盛、錢生大昕兩人耳。是時始與禮堂定交。外舅虛亭先生見居士文。亦以為不凡。明年始有昏姻之約。

謹案劉制軍原名玉麟字素存山東荷澤人丙辰博學宏詞王封翁諱爾達字非聞歲貢生子光祿諱鳴盛字鳳階號禮堂又號西莊公同年進士及第官內閣學士兼禮部侍郎左遷光祿寺卿
早年與公齊名人稱錢王

八年癸亥年十六歲

仍假館曹氏

謹案曹封翁自外岡徙居城東顏其堂曰蓉鏡公乞假歸里時曾爲作記見文集

九年甲子年十七歲

學使開公泰科試取一等第七名

謹案開制軍字兆新號敬庵滿洲正黃旗人甲辰進士時官兵部侍郎

是秋鄉試始與王蘭泉定交

謹案王少司寇名昶字琴德號蘭泉又號述庵公同年進士居青浦縣之朱家角里又案是年十月公弟可廬先生生

十年乙丑年十八歲

始授徒塢城顧氏其家頗藏書案頭有資治通鑑及不全二十一史晨夕披覽始有尙論千古之志讀東坡戲作賈梁道詩輒援晉書以糾其失中年見浙中新刊查注蘇詩已先我言之然居十年未弱冠考據已有與前輩闇合者矣

謹案塢城在縣城東南四十里。諸生顧公我澍。公亞壻也。是年延館其家。公辨正蘇詩誤。以司馬懿爲司馬師。見養新錄卷十六。

十一年丙寅。年十九歲。

仍授徒顧氏。

讀李延壽南北史鈔撮故事爲南北史雋一冊。

謹案家藏公手書冊子十餘幅。皆節錄南北史語。并記云舟中攜有此書。錄出數則。以備兒輩遺忘。蓋公少年篤好此書。大半能成誦。故取以爲傳家之學。

十二年丁卯。年二十歲。

是秋應江甯鄉試。同考官廣德州知州歷城曾公尙增。得居士卷。奇之。薦主司。不見售。

謹案公壽邵松阿舍人七十詩云。同出南豐一瓣真。自注。君鄉試出長清。曾公房予出曾公薦。爲試官所黜。

十三年戊辰。年二十一歲。

四月。學使尹公會一歲試。取一等第六名。

謹案尹公字元孚。直隸博野人。甲辰進士。時官工部侍郎。

八月。祖母朱宜人歿。

謹案朱宜人。處士德臻公女。年八十有二。中憲公恪遵家法。不作佛事。

十四年己巳。年二十二歲。

巡撫覺羅樗軒公雅爾哈善聞予名。檄本縣具文送紫陽書院肄業。時侍御王良齋先生爲院長。閱居士課義詩賦論策。歎賞不置。曰：「此天下才也。自是課試常居第一。」青浦王蘭泉、長洲褚鶴侶、左莪及禮堂習庵皆在同舍。以古學相策勵。吳中老宿李客山、趙飲谷、惠松厓、沈冠雲、許子遜、顧祿百亦引爲忘年交。

謹案公作習庵先生墓志。樗軒作樗亭。侍御諱峻。字次山。常熟人。甲辰進士。鶴侶舍人名寅亮。公同年召試。賜舉人。左莪學士名廷璋。癸未進士。李布衣名果。趙徵士名虹。惠徵士名棟。沈徵士名形。許大令名廷鏢。顧上舍名詒。錄。惠長於公三十餘年。沈長於公四十年。

又案先是王少司寇肄業紫陽書院。與王光祿同舍。始知公幼慧。善讀書。有神童之目。及院長詢以今日人才。則以公對。院長轉告巡撫。巡撫喜甚。招公至院。試以周禮文獻通攷兩論。公下筆千言。於是驚異院中諸名宿。莫不斂手敬之。

十五年庚午年二十三歲。

學使崔公紀科試一等。時松江士子亦赴崑山科試。因得與黃芳亭、趙損之、張少華、吳白華、凌祖錫諸君交。

謹案崔副憲字君玉。號南有。蒲州人。戊戌進士。時官祭酒。黃司諫名文蓮。趙光祿名文哲。壬午召試。賜舉人。以主事死。金川難。贈光祿寺少卿。入祀昭忠祠。張舍人名熙純。皆上海人。吳侍郎名耆。欽。癸未進士。南匯人。凌上舍名應曾。亦上海人。與公同應召試。

秋應江甯鄉試報罷。

江甯翁朗夫到吳門特來訂交。

謹案翁徵士
名照號霽堂

其冬娶先妻王恭人贅居外舅宅。

謹案王恭人爲虛亭先生
幼女事詳公文集卷五十

院長良齋先生以疾辭去代之者長洲沈歸愚先生也。

謹案公詩集有用昌黎會合聯句韻送王良齋先生歸海虞之作沈文愨公諱德潛己未進士官
至禮部尙書在院錄刊江左七子詩選七子者公及王光祿王少司寇吳竹嶼舍人趙損之光祿
曹習庵學士黃芳亭司諭也書成風行於世賈舶有攜至日本者其國相
高棟讀而善之爲七律人贈一章寄估以達人豔稱之以爲雞林之比

十六年辛未年二十四歲

是歲大駕始南巡江浙吳中士子各進獻賦詩大昕進賦一篇學使番禺莊公滋圃選入一等有詔
召試江甯行在欽命題蠶月條桑賦指佞草詩理學真僞論閱卷官大學士滿洲高文定公兵部侍
郎休甯汪文端公刑部侍郎嘉興錢文端公擬定一等二名特賜舉人授內閣中書學習行走四月
二日於揚州香草寺行宮謝恩特賜御製生秋詩石刻其秋高文定公招至清江浦公署館於荷芳
書院西偏翁朗夫周讓谷莊培封皆在幕府意甚相得

謹案莊協揆諱有恭己未進士及第高公諱斌汪相國諱由敦甲辰進士錢尙書諱陳羣辛丑進
士是年與公同應召試入中書考懷甯蔣公雍樞全椒吳公煥長洲褚公寅亮休甯吳公志鴻常

然孫公夢遼凡六人。周刺史名天度。
王申進士。仁和人。莊公名權。陽湖人。

又案試作刻入南巡盛典詩見詩集卷三。家藏公手書試作賦詩沈文愨公評云灼灼狀桃花之鮮依盡楊柳之態尋條赴節情韻環周唐人律賦中亦稱高手詩格並見大方時未揭曉也公入中書有紀恩詩。

十七年壬申年二十五歲。

三月束裝入都。過清江浦。文定公復留住公署兩月。乃買舟送居士與讓谷北行。到都。僦舍繩匠街。與褚鶴侶同年同廬。始入內閣票籤房辦事。每三日一入直。十日一直宿。

謹案公清江浦懷舊詩王申之夏渡清口。固哉亭前賦折柳。自注云是歲相國高文定公具舟送予北上。同舟者仁相周君天度。陽湖莊君權及予三人。

其秋會試不第。移寓潘家河沿。仍與鶴侶同居。

十八年癸酉年二十六歲。

在中書任暇。與吳杉亭。褚鶴侶兩同年講習算術。得宣城梅氏書。讀之。寢食幾廢。因讀歷代史志。從容布算。得古今推步之理。

謹案梅氏文鼎有歷算全書。大統書志。勿庵歷算書記。中西經星同異攷等書。

其秋移寓椿樹頭條街。

冬初王恭人自南來。禮堂亦至。恭人於途間遘疾幾殆。到都調治兩月得痊。

謹案王恭人行述有舟至楊村扶入肩輿昇至寄舍云云。

又案公著元氏族表於是年編始。

十九年甲戌年二十七歲。

正月始補中書額缺。

三月會試中式第十九名總裁大學士海甯陳文勤公禮部侍郎野園介公內閣學士武進錢文敏公同考官編修甯都鈍庵盧公是科文敏公自撰策問條目闈中徧搜三場所得如王禮堂王蘭泉紀曉嵐朱竹均姜石貞翟大川輩皆稱汲古之彥揭曉之次日午門謝恩文敏公謂諸公曰此科元魁十八人俱以八股取中錢生乃古學第一人也殿試第二甲四十名保和殿御試欽取一名圓明園引見特改翰林院庶吉士。

謹案陳公諱世倌癸未進士介公諱介福滿洲鑲黃旗人癸丑進士錢公諱維城乙丑進士及第盧詹事諱明楷辛未進士時充第十四房考官紀文達公名昫獻縣人官至大學士朱學士名筠大興人姜大令名炳章象山人翟教授名灝杭州人。

是歲移寓橫街讀漢書撰次三統歷術四卷無錫秦文恭公邀予商訂五禮通攷休甯戴東原初入都造居士寓談竟日歎其學精博明日言於文恭公公即欣然與居士同車出親訪之因爲延譽自是知名海內。

謹案秦尚書名蕙田丙辰進士及第公嘗爲序味經窩類彙見文集文恭五禮通攷之作以徐氏乾學讀禮通攷惟詳凶禮而周官大宗伯所列五禮之目鮮能尋端竟委乃因其體例蒐羅衆說以成一書戴吉士名震壬午舉人充四庫館纂修官書成授翰林院

庶吉士公集戴先生傳云以敝袍入京師一見奇之卽與之定交

二十年乙亥年二十八歲

在庶常任是歲平定準噶爾凱旋恭進五言長律一百五十韻頗爲朝士傳誦

謹案見詩集卷三

又案是年有三統術衍序不載集中

二十一年丙子年二十九歲

在庶常任尙書休甯汪文端公侍郎新建裘文達公富春董文恪公被旨修熱河志屬居士與紀曉嵐任編纂之役其秋大駕幸木蘭汪裘二公奏二人名卽令扈從熱河就近採訪排纂途中恭和御製詩進呈天語嘉獎由是館中有南錢北紀之目

謹案熱河卽古武列水聖祖建避暑山莊以狩苗朝覲鑾輅歲臨永垂爲法前朝絕域遂爲文物聲明之地志成八十卷分天章巡典徠選行宮園場疆域建置沿革畧度山水學校藩衛寺廟文秩兵防職官宦蹟人物食貨物產古蹟故事外紀藝文二十四門實通志承德府一州四縣而以熱河名者地重體尊不得冠以府縣之目也裘尙書名曰修己未進士董尙書名邦達癸丑進士恭和御製詩見詩集卷四

是歲京察教習介錢兩公移吏部以居士名列一等考功司員以新例格之改入二等。

二十二年丁丑年三十歲。

五月散館御試正大光明殿試題石韞玉賦夏雲多奇峰詩欽取一名授翰林院編修公事之暇入琉璃廠書市購得漢唐石刻二三百種晨夕校勘證以史事輒爲跋尾收藏金石文字自此始。

謹案賦見文集卷一詩見詞垣集。

又案公集中書舍人吳君墓志銘作於是年。

二十三年戊寅年三十一歲。

三月御試翰詹諸臣於正大光明殿試題瑾瑜匿瑕賦野舍時雨潤詩欽取二等一名擢右春坊右贊善自受職後未盈一年遽膺優擢非意計所及也是年奏充武英殿纂修官又充功臣館纂修官

謹案賦見文集卷一詩見詞垣集是時禮部尚書大興何公國宗領欽天監精於推步每與公論宣城梅氏之學及明季利瑪竇湯若望羅雅谷日離月離五星諸表公洞若觀火於是有協同何公潤色地球圖之旨。

又案是冬縣令介公玉濤舉鄉飲酒禮敦請奉政公爲大賓黃髮卽席觀者聳然起敬。

又案公集一等公佟公傳一等伯傅公傳作於是年。

二十四年己卯年三十二歲。

在贊善任。是春平定回部。獻馘凱旋。恭進七言長律一百韻。

謹案見詩集卷五

七月奉命充山東鄉試正考官。戶部郎中葉公宏為副。揭曉得任銳錫等六十九人。益都李文藻對策最優。擢為第二。按察沈椒園先生於鹿鳴宴上首賀得人。灤源書院院長宋蒙泉先生賦詩一篇。稱此科得人之盛。還朝復命。召對養心殿。西媛閣。奏對良久。天語甚溫。

謹案葉公字涵川。浮梁人。戊辰進士。任公聊城人。李公以進士令廣東。遷司馬。前公卒。事詳公集。李南澗墓志銘。公盛學文衡。歷主書院。講席門下。士殆幾千人。皆以經史金石詩古文辭相祖述。其升堂入室者。尤推李司馬。邵學士晉。潘及先。外祖工部陳稽亭先生鶴也。沈公名廷芳。仁和人。丙辰博學宏詞。宋廉訪名弼。德州人。乙丑進士。其詩有伊予久伏處。憑軾觀羣。闕決勝。卜其長。億占每幸中。蓋其時書院生中式者十有八人。

是冬先大父奉政公終於里第。年九十二。

謹案奉政公事詳公集家傳記事。及太倉州志。程氏晉芳撰墓表。又案公集山東鄉試錄序。作於是年。

二十五年庚辰。年三十三歲。

在贊善任。三月充會試同考官。分閱書經卷。得進士十一人。館選四人。知縣即用五人。尋充續文獻通攷館纂修官。分修田賦戶口。王禮三攷。協修起居注。其秋遷翰林院侍讀。冬奉旨署日講起居注。

官以磨勘鄉試卷議敘紀錄二次

謹案本房十一人戴公望、李公臺、沈公咸熙、陳公本敬、尤知名。是科朱文正公同事禮闈，文正好談星學，詢公八字公辭曰：頃新安友言現行已運為祿堂，又犯三刑，來年辛巳必無幸矣。文正曰：八字當論大局，刑衝未足為病，足下不久當遷官，斷無意外慮也。已而果有侍讀之命。

謹又案宋馬端臨文獻通考因杜佑通典而廣之，析分二十四門，所述事蹟上溯黃虞，下迄南宋嘉定、明王圻先有續書體例，雜類外叢生，乾隆十二年敕儒臣採宋遼金元明及皇朝制度，纂集成之，嗣以古今同述，例難畫一，奏請各自為書，故又有皇朝文獻通考實一時所成，後續通典、通志、皆然。書中分門五朝，依馬氏之舊，皇朝增翠廟攷一門，子目則各有增損，如公所纂田賦戶口、增八旗田制壯丁，以今制所有而增也。

二十六年辛巳年三十四歲

在侍讀任三月，大駕恭謁泰陵，即幸五臺山，以記注官特派扈從，途中恭和御製詩，稱旨。上自五臺迴蹕，出御製游千佛洞五言古詩，特命廣和，餘莫及焉。

謹案諸詩見詩集卷五

以磨勘會試卷議敘紀錄一次，其冬以皇太后聖壽七旬覃恩，中外京官列加一級，循例得貲贈大父為奉政大夫、翰林院侍讀，加一級，大母為宜人，封父為奉政大夫、翰林院侍讀，加一級，母為宜人。

謹案公集有聖母皇太后七十萬壽頌序文及頌，皆集經語為之。

是歲以心血耗煩始得不寐之疾。

二十七年壬午年三十五歲。

在侍讀任京察引見記名一等五月奉命充湖南鄉試正考官修撰王公杰爲副得丁姓等四十六人先是湖南士子以闡義謁學使吳雲巖先生凡數百人雲巖決其必售者五人丁姓丁正心張德安石鴻翥陳聖清也及撤棘姓果領解正心第二德安第四鴻翥第五聖清第十六雲巖大喜作詩紀其事和者數十人楚人至今傳爲佳話姓與正心從冑弟也雲巖因稱爲雙丁榜回京復命仍召見養心殿西煖閣奏對久之。

謹案王相國韓城人辛巳進士及第吳公名鴻仁和人辛未進士及第吳公首唱一詩感主司操鑒之明勛諸生績學之實公和詩見詩集卷七副主司王公獻麓書院院長湘潭劉公元變長寶觀察遼海張公滋及分校諸公皆有和作刻行爲壬午楚南唱和集又案公集湖南鄉試序作於是年

二十八年癸未年三十六歲。

在侍讀任以磨勘會試卷議敘紀錄一次五月御試翰詹諸臣於正大光明殿題江漢朝宗賦結網求魚詩欽取一三名擢侍講學士尋充日講起居注官。

謹案賦見文集卷一詩見詞垣集是年起居注告成詣乾清門入奏有恭紀詩。

錫山秦文恭公奉詔修音韻述微屬居士任編校所進條例皆居士具藁

謹案音韻述微與欽定音韻闡微相表裏闡微重字音而述微兼詳字義字數亦較闡微爲多凡今義今音亦皆纂入以補向來字書所未備云

是歲先大夫與弟晦之入都父子第弟聚首一堂極家庭之樂

謹案公弟諱大昭號可廬國學生嘉慶丙辰薦舉孝廉方正賜六品頂戴以子亦軒先生諱東垣官封文林郎浙江松陽縣知縣著述十種先刊敘例行世

二十九年甲申年三十七歲

在學士任是歲先大夫還里弟晦之留都門

謹案王恭人行述云我父於甲申歲來京師我母未修一日之養公官京師屢請堂上就養沈太恭人以水土不習不果行中憲公入都僅一年亦以水土不習南旋

又案公集郭宵構墓志銘作於是年

三十年乙酉年三十八歲

在學士任京察引見記名一等

謹案是年正月陪祀祈年殿四月與錢瑋石曹慕堂積粹齋三先生赴涿州恭迎大駕還宿良鄉入清涼寺識清涼寺題名見文集

六月奉命充浙江鄉試副考官正考官則祭酒曹公秀先也既具摺謝恩即奏請於使旋日乞假十日順道省親得旨俞允行過泰安登泰山絕頂盡覽日觀天門之勝到浙入闈後曹公忽病瘖臥床

一月校閱之事皆一人任之揭曉得陸飛等九十四人而邵晉涵潘庭筠翟均廉嚴城皆一時之傑

出者也。撤棘後，徧游西湖諸名勝，各繫以詩，還至吳門，兼程抵家。父母年近七旬，聰明矍鑠，陳氏妹亦歸寧，親朋酌酒稱慶。假滿，星馳入都，復命召見，勤政殿東煖閣，天顏和霽，垂問臣父母年紀甚悉。

謹案曹文恭公字冰持，號地山，新建人。丙辰進士，官至尙書。陸公字筱飲，仁和人。性高逸，舉賢書第一，不赴南宮試。營自度航於西湖，浮家泛宅，有元真子風。邵學士字與桐，一字二雲，餘姚人。辛卯進士，潘侍御字蘭垞，錢唐人。翟舍人

字春陞，仁和人。殿公字力閣，杭州人。

又案公使浙日，記揭曉後，訪杭堇浦先生於萬松嶺，謁座主錢文端公於嘉興里。第九月二十五日抵家，設香案望闕叩謝，天恩堂上俱康健，無恙。舉家歡喜，親友稱羨，以為盛事。二十七日入城。

謁王虛亭、曹檀潘兩先生。十月一日祀先，二日掃墓。六日以假期已滿，自家起行。

中憲公亦同往，順道游錫山金山，抵淮上而還。公胞妹一配同縣，躡雲陳公曠。

三十一 年丙戌 年三十九歲

在學士任三月，充會試同考官，得進士十人，館選三人，分部一人。

謹案會試分閱書經第三房，館選尹閣學壯圖，莊侍讀承籛，韓觀察朝衡，分部黃觀察符綵也。

九月子東壁生

謹案先祖字星伯，號飲石，又號夢漁，天姿聰穎，狀貌俊逸，多鬢髻，為人豁達大度，銳於學問。年十

七，補博士弟子試，輒高等，鄉闈屢薦，不售，乃納粟入國學。游京師，倉場侍郎劉公竹軒一見傾倒，邀入幕中，佐理文翰，凡有撰述，多出所擬，下筆千言，略不加點，於是都中有小錢之目，未幾南歸。

就儀徵阮公芸臺之聘，於浙西阮公與公有文字之契，復愛先祖才，加器重焉。讀書一過，卽通大義，經史百家無所不覽，而於詞章尤所篤好。中年以後，淡於進取，家居以典籍自娛，偶有所得，纂為筆記，喜東坡詩，嘗欲輯諸家注釋，斷以己意詳加刪潤，彙為一編，未成而桐鄉馮氏本出，乃止。

爲文不自珍惜。隨作隨棄。慶會每思搜集散亡。爲家藏本。而迄不多得。書法精真。行晚年專書蘭亭。日必一本。寒暑無間。在京師時。與朝鮮貢使朴貞蕤齊家相識。是時貞蕤三入燕京矣。中朝人物。並爲所知。歸國後。有懷人數十章。其贈先祖一篇云。飲石名家子。妙年懷利器。聊將練裙書。暫當梅花寄。我雖未相人。卿人當早貴。與日本高樛贈江左七子詩。後先相映。教子弟一以規矩。無世俗愛憎之見。聞讀書聲。則喜形於色。慶會十歲時。即取以自課。策以數品力學。恨未數月而遽見背。

又案。公集答李南潤書。州判李君墓表。刑孺人墓志銘。舅氏沈君墓志銘。孝廉胡君墓志銘。作於是年。

三十二年丁亥 年四十歲

在學士任。三月得傷寒疾。幾殆。吳生蔣源明醫理。晨夕來診視。得愈。

謹案。吳大令字朗陵。秀水人。公乙酉浙闈所得士。

六月。妻王恭人歿於京邸。居士幼多疾。不任勞劇。病後精力覺不支。重以伉儷之戚。益有歸田之志。其秋遂以病乞假。掌院劉文正勉留之。固辭。十月始得准假之旨。乃買舟南下。冬至後始抵家。時晦之已娶。舊宅不能容。權借族兄葵園屋東偏居住。

謹案。王恭人年四十歲。李司馬文藻爲纂墓志銘。先是王恭人以公年近四旬。尙無子。勸公置簪。愛納生曾祖母浦太孺人。太孺人婉順曲從。事堂上。維謹治家事。有法。王恭人歿後。大小事悉以界之。公數十年無內顧憂。沈太恭人嘗謂公曰。汝婦無出因納浦氏。生一子而汝婦去世。我則觀其言行動作。頗知大體。甚合我意。且目前子女皆其所生。汝當以嫡禮待之。公因不更娶云。劉文正公諱統勳。諸城人。甲辰進士。官至大學士。葵園大令諱裕國。世系所未詳。宅在縣城東隅。集仙宮之東。

是歲始撰二十二史攷異。

謹案本書自序云丁亥歲乞假歸里稍編次之歲有增益卷帙滋多又宮公集聖駕巡幸天津頌黃岷圍先生文集序集仙宮訪碑記王恭人行述祭王恭人文作於是年

三十三年戊子年四十一歲

始買城中孩兒橋街宅名其堂曰潛研乞新建曹地山先生書扁其春與妹婿陳葑耘偕爲西湖之游傲寓湖上留連旬有五日

謹案陳公諱曦以附貢生考充四庫館膳錄官議敘州同知乙酉年稱陳氏妹亦歸寧卽公配也詩集卷九有與陳公唱和湖上諸作

八月子東塾生

謹案叔祖字學仲一字子臬號石橋又號膠田廩貢生試用訓導署吳縣訓導以子竹孫先生諱師康官貤封修職郎安徽徽州府祁門縣學教諭善隸草工山水著有月波樓詩彙

是歲編次宋洪文惠公年譜及陸放翁年譜成

謹案公集跋元大一統志殘本睿鏡堂記邵先生墓志銘祭虛亭先生文作於是年

三十四年己丑年四十二歲

居士素慕邴曼容之爲人謂官至四品可休且二親逾七旬當在里門侍養而先大夫促之出謂來歲逢國大慶備員侍從宜隨班朝賀乃於是秋再入都仍寓官菜園上街

謹案是年五月公與王光祿吳竹嶼岑澹周松承諸先生游虎阜登千人石酌第三泉徘徊久之微雨作遊石觀音殿識石觀音殿題名見文集又集中記湯烈女事跋石刻鋪敘跋藝圃搜奇跋

鳳墅法帖
作於是年。

三十五年庚寅 年四十三歲。

在都門與曹慕堂、朱竹均、陳伯思、史文量游西山。

謹案西山在順天府西爲京師八景之一。是年正月公與曹習庵、張繡堂、趙實君諸先生游白雲觀。二月有西山之游。三月同人入法源寺觀花。訪得遼大安十年舍利函記。十月訪菊城西極一時友朋之樂各有詩紀事。見詩集卷十曹中丞名學閔公同年進士汾陽人。陳公時官戶部。

是歲始讀說文研究聲音文字訓詁之原閒作篆隸書。

謹案公專論說文諸說見文集卷十一養新錄卷四。

謹又案是年八月進萬壽頌見文集又集中記琉璃廠李公墓志銘與段若膺書按察宋公神道碑儒林郎曹公墓表作於是年又潛研堂詩序不載文集中公詩凡二十卷此初集十卷所手定也。

三十六年辛卯 年四十四歲。

在都門充一統志纂修官。

謹案大清一統志於康熙間敕修乾隆八年始纂輯成書二十年皇師平定伊犁拓地二萬餘里而府州縣之分併改隸與職官之增減移駐亦多與舊制有異同乃特詔重修後西域諸回部滇南諸土目相繼內附又平定兩金川幅員益廣亦並載焉。

是歲撰次金石文跋尾六卷成益都李南澗爲刊板與族子玷校正白虎通廣雅。

謹案族祖字獻之號十蘭甲午副貢生陝西乾州
通判著作甚富又精小篆書與公同出順郊公
又案公集與一統志館同事贈邵治南序王太宜人墓志銘
徐良輔墓志銘作於是年又有與趙損之書見趙所著齋隅集

三十七年壬辰年四十五歲

是春補翰林院侍讀學士會試充磨勘官殿試充執事官尋充三通館纂修官

謹案乾隆三十二年敕撰續通典通志及皇朝通典通志其時續文獻
通攷已成公手定通志凡例分別子目增刪皆臻盡善總纂深以爲然
又案公集擬續通志列傳凡例續通志
列傳總序祭錢文敏公文作於是年

三十八年癸巳年四十六歲

在學士任正月奉旨入直上書房授皇十二子書寓澄懷賜園與汪閣學持齋同宅皇四子贈詩有
穿徑偶同開府宅得朋還勝子雲居之句皇六子亦贈對聯云曉漏連趨青瑣闥晴窗遞草綠蕉書
是歲端午賜羽扇蒲扇貢葛鄭宅茶香袋等物十一月擢詹事府少詹事十二月二十三日立春進
帖子有湖筆銀硃彩牋之賜二十七日召入乾清宮西煖閣賜御書大福字除夕賜貂皮鹿尾全鹿
黃羊雉魚等物

謹案汪少司空諱廷璵戊辰進士及第嶺洋人爲先祖外舅其時儀親王亦贈書聯云品格方於
玉界尺文章華似錦屏風并云此雖舊語惟先生品學方足當之成親王又時出所作詩文相質
兼問小學
篆隸源流

又案是春詔儒臣校永樂大典擇世所未見之書將刊布以嘉惠學者公手鈔易稽覽圖寶刻類編序而藏之序皆見文集又中興學士院題名序總兵許公神道碑盛涇先塋之碣作於是年十一月總督倉場倪侍郎承寬招同年友集寓邸觀宋元人畫二十餘種公為記趙居廣畫亦見集中

三十九年甲午 年四十七歲

正月八日上幸重華宮賜宴內廷諸臣以四庫全書為題聯句二十八人居士與焉四月京察引見奉旨准其一等七月奉命充河南鄉試正考官侍讀白公麟為副得劉師柔等七十一人撤棘後束裝將北行復奉提督廣東學政之命諭以即赴新任不必來京請訓隨取道江北江右入粵於十一月到任嶺南氣候和煖嚴冬無冰雪花木豐茂不異春時學署有南漢九曜石宋人題殆徧公務之暇屏儼從婆娑石閒拂拭題刻蕭然如寒士也

謹案白公字應雍滿洲正白旗人癸未進士九曜石有熙寧六年金君卿等七年陳師孟等金君卿等元豐元年曾布等紹興十三年詹文舉等淳熙十六年鄒飛熊等嘉熙三年陳疇等四年黃朴等題名

又案公集河南鄉試錄序彙硯集序紀王廟碑跋新唐書糾謬作於是年公校錄新唐書糾謬間為疏證刻入鮑氏廷博知不足齋叢書中

四十年乙未 年四十八歲

在廣東學政任申嚴月課之令每季親出題委教職申解課卷至院親閱而甲乙之士子無敢托故不與課者按試肇慶羅定韶州三屬生童卷盈千累萬皆由親閱又以士子多不肖讀經每考試經

題務避熟擬四書藝雖可觀而經義違失者痛斥之仍榜示某某卷以荒經遺落之故自是諸郡聞風童子皆知讀全經矣前政歲科試優等太少各學廩增多不足額閱其試藝優劣亦無大懸殊乃稍寬優等名數以鼓勵之五月試韶州畢將抵南雄途中忽得先大夫之訃以四月二十四日下世悲慟欲絕即委屬齋印信交巡撫德公保代奏而星夜北歸六月杪抵家

謹案公在粵中念中憲公精力尙健夙有登臨之興嶺南山水奇秀寓書迎養中憲公欣然規行乃命公弟可廬先生偕王鵬起鳴韶周墨厓楠兩先生先赴粵佐校閱而自率諸孫於仲夏起行公遽畢韶州私計中憲公凶行有日遣人前詣近伺不料中憲公於四月中旬偶感熱疾往苒旬餘遠至大故年七十有九聞至公號慟欲絕兼程北歸三旬始抵廬次寢苦茹素一如古禮每自展視手澤憬然慨慕居憂未幾髭鬢盡白蓋悲動於中不知其哀毀也德文莊公墓字懷玉滿洲正白旗人丁巳進士又案公集太子少保莊公墓志銘優貢生楊君墓志銘中憲公行述作於是年

四十一年丙申年四十九歲

在家讀禮髭鬢盡白

謹案公集復倪敬堂書李南溯墓志銘作於是年

四十二年丁酉年五十歲

八月服闋以沈太恭人年屆八旬不復入都供職秋杪游洞庭東西山

謹案洞庭山在蘇州府西太湖中訪得宋范至能題名越二十年丁巳始椎拓著錄之

十駕齋養新錄 錢辛楣先生年譜

是歲以孝聖憲皇后升祔覃恩贈先大夫中憲大夫詹事府少詹事先母自宜人進封太恭人居士亦例授中憲大夫妻王氏贈恭人。

謹案是秋婁東張君秉忠爲繪小像王鶴谿先生爲補花木竹石取陶公吾亦愛吾廬及此中有真意之句名曰吾廬真意圖乞同里諸君子詩之公歿後是卷失去越二十餘年姚守庭丈廷鏞以重價得之以遺慶曾慶曾喜舊物之復還感守庭之好事又請近時之工詩者續爲題詠以紀其事題不踰鄉里猶前志也

又案是冬至婁東舟中讀抱朴子內篇著納音說見文集又錢氏祠堂記郭允伯金石史序答盧學士書跋陳文貞公詩卷同知彭君墓志銘作於是年

四十三年戊戌年五十一歲

是春紹興秦石公太守招游南鎮及蘭亭

謹案秦公名廷瑩北平人南鎮卽會稽山在紹興府東南古防山也上有陽明洞卽道書第十一洞天唐封爲南鎮蘭亭在紹興府西南蘭渚山

夏初總督高文端公延請爲鍾山書院院長居士雅不喜爲人師而家居貧約不無藉束修以供甘旨江甯去家不遠歲時便於定省乃勉應之五月到院與諸生講論古學以通經讀史爲先課試之暇與袁簡齋嚴冬友諸公爲文酒之會城內外諸名勝屐齒幾徧

謹案高相國名晉袁大令名枚錢塘人已未進士時居倉山之隨園嚴侍讀名長明江甯人以召試入中書公詩集有與兩公唱和之作

又案廿二史攷異自序戊戌設教鍾山講肄之暇復加討論

與前人閣合者削而去之或得於同學啓示亦必標其姓名

又案公集後漢書年表後序跋僧明淨書心經及法華經序跋義門讀書記答袁簡齋書雙節門銘菩提寺碑記汪南有傳作於是年又有答汪進士耀祖書見汪所著雙節堂贈言集錄槎溪程

氏支譜序皆
不載集中

四十四年己亥 年五十二歲

在江甯訪求金石刻手拓吳天璽紀功碑及梁始興安成吳平三碑所得南唐宋元石刻甚多

謹案吳天璽元年嚴山紀功碑在江甯縣學尊經閣下梁始興忠武王碑在上元縣黃城村安成康王碑吳平忠侯蕭公碑亦並在上元安成碑文已磨滅獨其額存故公跋尾中不及

上元談泰善算術來從居士游授以古今推步異同疏密之旨

謹案談孝
廉字階平

其冬與孫季仇秀才游茅山

謹案孫觀察名星衍陽湖人丁未進士及第始以詞章知名後精研攷據未幾亦受業於公是冬同游茅山訪碑尋陶隱居舊館壇碑不得公集有游茅山記又金陵石刻記序贈談階平序答盧學士書施節婦傳資政大夫王公神道碑虛亭先生墓志銘皆作於是年

四十五年庚午 年五十三歲

是春聖駕南巡與在籍諸臣至淮上迎駕進南巡頌一冊賜緞二端復還江甯春夏之交兩目漸眩引疾辭歸而總督薩公載固留之時方設局續修南巡盛典因請居士總其事

謹案南巡盛典先經大學士兩江總督高公晉撰次奏進賜製序文刊行書成於庚寅之冬述辛未至乙酉聖駕四次巡幸江浙諸鉅典是年聖駕五巡江浙因有續修之舉又案元氏族表於是年編成公集廿二史攷異序淮南子天文訓補注序張太夫人祠堂記作於是年又有王太夫人八十壽序不載集中

四十六年辛丑。年五十四歲。

居士在鍾山四載。士子經指授成名者甚衆。而江浦韓明府廷秀、上元董方伯教增、鮑文學璉、宣城孫州牧元瑫、尤所獎賞者也。

謹案韓孝廉字紹真。董制軍字觀橋。丁未進士及第。鮑文學字文石。

夏末歸省。太恭人雖起居如常。而飲食漸少。居士心憂之。遂不赴館。侍太恭人湯藥兩月餘。竟不起。時九月十四日也。其冬合葬先大夫及太恭人於練祁祖塋之右。

謹案沈太恭人年八十有二。袁大令枚爲撰墓志銘。族祖澗亭教授塘爲撰行略。練祁祖塋公曾祖公瞻公主穴奉政公居左。

是歲鉅野姚學甲爲續刊金石文跋尾七卷。

謹案公金石文跋尾凡四集。此第二集也。後刊三集四集。首葉標利貞二字別之。姚明府號牛塘。公丙戌本房所得。土時令嘉定。又案公集關中金石記序。凌竹軒墓志銘。作於是年。

四十七年壬寅。年五十五歲。

居憂足跡不出戶。撰次廿二史攷異成。凡百卷。又撰次家藏金石刻目錄。以時爲次。凡八卷。名曰金石後錄。

謹案廿二史攷異於是年編定。後有所得爲攷史拾遺。凡三史五卷。詔史五卷。金石後錄後更名金石文字目錄。因前人已有的也。

子東壁入縣學。

謹案是年學使南

昌彭文勤公科試。

又案公集周氏族譜序詹事盧
公神道碑墓志銘作於是年。

四十八年癸卯年五十六歲

是夏大興黃符綵知台州府招游天台山。

謹案黃公字蘭陔公丙戌本房所得士天台山在台州府公登天台由高明取道佛隴入大慈寺訪得元和智者大師修禪道場碑。

又案是秋公親挈先祖至江甯應鄉試。

臘月服除有司敦勸入都供職而衰疾日臻兩目昏眊遂無出山之志矣。

謹案公集記建炎官印張先生墓志銘作於是年張先生元配公族姑也丁酉冬乞假里居與先生往來最密嘗謂公僕老矣身後之文願以屬吾子及公再入都奉諱南回則先生卽世再易寒暑矣是年先生之孫
璉述事狀乞公銘。

四十九年甲辰年五十七歲

春二月將往淮上途間忽得風痺之疾兩足不能行動大小便幾不禁到家自謂必不起矣族弟希文善醫診居士脈曰可治投以東垣補中益氣湯數劑之後始有起色調治百餘日乃得扶杖而行病中自編年譜一卷又記生平所見碑刻家中未有者三百餘種附於金石後錄之末凡二卷秋後

腰腳稍健。而目力益衰。入夜不能見物。

謹案是年聖駕六巡江浙。公將與在籍諸公迎駕淮上。未幾行在。遽疾而還。希文先生諱肇。號敬亭。縣學生。與公同出北郊。公醫學詳公所撰墓志銘。又案公稱年譜編於是年。今家藏本實訖於壬子。是後或每年增入。或壬子歲續編。未敢知也。

子東塾入縣學。

謹案是年學使謝金園侍郎歲試。

又案公集跋能改齋漫錄補瓢韓先生墓志銘。通議大夫陸公墓志銘。侍郎汪公墓志銘。作於是年。

五十年乙巳。年五十八歲。

是年巡道章公延主婁東書院。

謹案章公名攀桂。

五月竹初先生招至甯波府游天童育王二寺。

謹案竹初先生姓錢氏。名維喬。武進人。文敏公之弟。時令鄞。天童寺在鄞縣東六十里。育王寺在鄞縣東五十里。育王山下。

八月長男東壁娶婦汪氏。

謹案先祖母工部侍郎持齋先生諱廷璵。季女通文。翰楷法甚工。常爲公抄錄著述。

又案公集跋黃山谷書范滂傳跋太倉文略春星草堂詩集序。記生朝。作於是年。又有質直談耳序。不載集中。

五十一年丙午。年五十九歲。

在婁東讀王元美四部彙續彙。因爲撰年譜一卷。歲暮撰通鑑注辨正二卷。

謹案是秋江甯鄉試公挈先祖輩同往。始因學使謝侍郎識儀徵阮宮保元。是時宮保方以諸生應舉。公引爲忘年交。先是同縣李方伯寶芸受業於門。公每以古學相勵。是科主試爲朱文正公。以鄉黨命題。公許阮李兩公必售。榜發果然。

又案公著洪文敏王伯厚年譜。不載手編譜中。當係壬子以後所編。公集跋文壽承休承書跋弇州四部彙跋弇州山人續彙作於是年。又有資善禪寺飯僧田記。不載集中。

五十二年丁未。年六十歲。

正月。次兒東塾娶婦朱氏。

謹案叔祖母爲國學生寶山寄園朱公名淮長女。以子官貤封八品孺人。

三月往甯波府撰鄞縣志三十卷。五閱月而告成。范上舍懋敏招登天一閣。觀所藏金石刻。因爲撰天一閣碑目二卷。

謹案是時竹初先生猶宰鄞縣。修志延公爲總纂。范上舍卽天一閣主人。碑目與其書目並刊行。

秋。復到婁東。歲暮歸里。撰次古今文人生卒年壽可攷者。始鄭康成。訖戴東原。凡四卷。取左氏有與疑年使之年語。名之曰疑年錄。

謹案今海鹽吳氏刊本疑年錄。東原先生後。有蔣心餘至邵二雲六人。則是後所續錄也。是編大抵取古今文人之有功經史者錄之。故功名節義才技奇能。雖盛有名。或不登。此攷史之餘事。

所以志景行也。吳氏修付梓時，曾編續錄四卷，依傍門戶，去取猶嚴，近人有取全史之人，不問賢愚，悉皆著錄，名曰廣疑年錄，自矜該備，譏是編爲漏略，可謂不知妄作矣。

又案公集跋薛氏義瑞堂帖跋東坡書辭翁亭記跋竹園壽集卷跋石鼓文宋拓本漢瓦當硯銘，拖經樓記天一閣碑目序左氏傳古注輯存序史記志疑序歸震川先生年譜序鄞縣志辨證鄞縣志局與同事書曹公神道碑學士曹君墓志銘瞿封翁墓志銘作於是年。

五十三年戊申 年六十一歲

在婁東十一月巡撫閱公延請明年主蘇州紫陽書院

謹案公主講婁東三載所賞一時之彥有陸公元吉學欽楊公雲璈雲煜李公錫恭王公洲汪公學銘胡公金諧蕭公掄沈公端靖閔中丞名鶚元嘉善人已丑進士

十二月九日東壁舉一子居士第一孫也大父生於康熙戊申居士生於雍正戊申今舉長孫亦以

戊申因命之曰阿同取康成小同之意

謹案先君諱師慎字許庭早慧入塾塾師吳明經凌雲極賞之作文援筆立就不假思索小試不利援例入成均體素羸弱幼多疾病嘉慶戊寅遭先祖之喪哀毀逾常鬱鬱不自釋不逾年而歿年僅三十有二遺孤一卽不肯慶會也

是歲撰次金石文跋尾復得六卷

謹案公集跋陶淵明集跋咸淳昆陵志習庵先生詩集序知府張公墓志銘鶴谿子墓志銘作於是年又有贈青溪三子序不載集中

五十四年己酉 年六十二歲

正月到紫陽書院

謹案紫陽書院舊院長爲蔣侍郎元益於去冬謝世中丞閔公博訪輿論惟公克稱斯席遂以公品粹學淳居鄉端謹入奏公追憶四十年前賴名師益友得闡古人堂奧乃奮然以振興文教爲己任論諸生以無墓虛名勤修實學由是吳中士習爲之一變

是春校勘應劭風俗通義并刺取他書所引逸文補之

謹案是書刻入虛學士文昭羣書拾補中

十月七日東塾舉一子居士第二孫也名之曰阿詒是冬重訂金石錄前後收藏共得二千通與趙明誠著錄之數恰同但趙所錄訖於五代居士所藏訖元而止明碑雖有名者亦不著錄較趙氏似稍過之

謹案公自丁丑歲收采金石文字以攷正經史凡知交歷官居鄉之地莫不徧託搜羅至身所經歷山厓水畔覺宮梵宇有斷碑殘刻必別蘇拂塵摩挲審讀或手自椎拓積三十餘年遂成巨富著跋尾八百餘篇每積二百餘篇輒爲門弟子轉寫付梓故先後共成四集其目錄八卷隨時增補至公歿後祖姑夫瞿公中溶許公希冲校刊時又不止二千通云

又案公集放生池古泉記東晉壘域志序東晉南北朝輿地表序作於是年又跋霜哺遺音不載集中

五十五年庚戌年六十三歲

在紫陽書院是秋恭遇聖壽八旬大慶於六月中由水道入都七月廿九日到京寓謝金圃先生邸又移寓邵二雲編修邸八月十三日上升殿受賀隨班行禮前三日進呈頌冊留覽廿二日出都門由清苑至定州游曲陽嶽廟自真定至隆平縣取道廣平大名至濟甯登舟十月抵家

謹案是年三月校錄五代會要六月朔北上遇梁山舟學士於淮上連舟抵都迎駕南石槽所進頌冊特蒙宸覽載入萬壽盛典稽文恭公來訪寓邸談竟日還過定州游天寧寺訪得蘇過題名舟次手錄安南志略五十五卷餘卷先大父飲石公所足

又案公集羣書拾補序杜詩雙聲疊韻譜序甌北集序跋翰苑羣書荆宜施道陳公墓志銘作於是年又跋清華齋趙帖不載集中

五十六年辛亥年六十四歲

在紫陽書院三月次孫阿詒殤又第三女及長孫女相繼殤東塾亦患病甚劇幸醫治無恙

謹案公女子子三長適同縣附貢生湖南布政使司理問木夫壘公中溶次適青浦附監生默癡許公希冲三殤於是年得年十有一長孫女先祖長女也

讀洪氏翰苑羣書因爲補唐學士年表以乾符五代學士年表宋學士年表瀋熙至德裕各一卷

謹案三表李許齋方伯校刊於嘉興

撰元氏族表四卷補元藝文志四卷

謹案公少讀諸史見元史陋略謬蓋欲重纂一書又以元人氏族最難攷索創爲一表而後人所撰三史藝文亦多未盡更搜輯補綴之其餘紀傳志表多已脫稟惜未編定是年精力少差先以氏族藝文二稟繕成清本又有元詩紀事若干卷以稟屬從祖同人及陶堯香兩先生編次成書又案是年讀孫逢吉彥同職官分紀改正三十八卷中錯簡集中跋文及御史王先生墓志銘作於是年又有虎阜志序不載集中

五十七年壬子年六十五歲

在紫陽書院閏四月八日東塾舉一子名之曰阿閏

謹案從父諱師康字鄭鄉號竹孫癸酉拔貢生充
武英殿校錄官選授安徽祁門縣教諭終於官舍
又案是年元和戈上舍
宙襄爲刊通鑑注辨正
又案公集世緯序古文尚書攷序西魏書序跋徐賁釣磯文集
跋楊忠愍公獄中與鄭簡手簡何桐蓀墓志銘作於是年
公手定年譜止於是年以
後十二年慶會所敬述也

竹汀居士年譜續編

曾孫慶會敬述

乾隆五十八年癸丑。年六十六歲。

主講紫陽書院。公在紫陽最久。自己酉至甲子。凡十有六年。一時賢士受業於門下者。不下二千人。悉皆精研古學。實事求是。如李茂才銳之算術。夏廣文文燾之輿地。鈕布衣樹玉之說文。費孝廉士璣之經術。張徵君燕昌之金石。陳工部稽亭先生之史學。幾千年之絕學。萃於諸公。而一折衷於講席。餘如顧學士蕘。茂才廣圻。李孝廉福。陳觀察鍾麟。陶觀察樑。徐閣學頌。潘尙書世恩。戶部世璜。蔡明經雲。董觀察國華輩。不專名一家。皆當時之傑出者也。公集經義雜記序。跋鳳墅法帖三。夏烈女傳。張太孺人墓志銘。述庵先生七十壽序。作於是年。

五十九年甲寅。年六十七歲。

春。校刊廿二史攷異。至新舊五代史。六月。與段茂堂。袁又愷。戈小蓮。瞿鏡濤諸公。閱道藏於元妙觀。羽士袁月渚。導觀宋孝宗御書通神庵石刻。并拓本見詒。校長春真人西游記。十月。至朱家角。訪王少司寇。時少司寇予告回籍。養疴謝客。公至。登其臥樓。談竟日。公與王光祿。王少司寇爲總角之交。又甲戌同年進士。公歸田時。光祿先以居憂在家。服闋不出。又二十年。而少司寇在籍。青浦

相距不百里。輿至輒扁舟互訪。聚首之歡。不啻同官京華時也。吳中文酒宴會。延公及兩王公爲領袖。時有江南三老之目。公集黃陶庵先生像贊。跋范忠宣公除右僕射告。跋長春真人西游記。吳興閔氏家乘序。作於是年。又有黃忠節公年譜序。李書田詩集序。織雲樓詩合刻序。問字堂集序。明金元忠詩集序。賈太夫人壽序。張太夫人夏氏傳。王芍坡墓志銘。不載集中。

六十年乙卯。年六十八歲。

自春至夏。覆校宋史攷異付刊。秋。始患兩耳失聰。公集棠樾鮑氏宣忠堂支譜序。跋元統元年進士題名錄。跋四書纂疏。跋潛虛。跋宋拓鐘鼎款識。黃松石先生墓志銘。孝兼蔣君墓志銘。陸松園墓志銘。知府馮公墓志銘。作於是年。又有重修寶山縣學宮記。網師園記。熊氏家譜序。熊封翁家傳。不載集中。

嘉慶元年丙辰。年六十九歲。

是歲恭逢朝廷授寶歸政。有詔舉山林隱逸孝廉方正之士。江南諸大吏。以公弟可廬先生應徵。先生少於公者二十年。事兄如嚴師。得公指授。著作等身。時有兩蘇之比。夏。手校元史攷異付刊。冬十月朔。邑令舉鄉飲酒禮。延公爲大賓。首唱四詩。一時和者甚衆。我家自奉政公以後。三世並與鄉飲。戚友咸相稱頌。公謝之曰。我德薄。懼不足以繼先世耳。十二月。訪長沙劉相國於江陰。遂游

惠山。公集山左金石志序、半樹齋文彙序、跋黃陶庵札、顧桐井墓志銘、孝廉范君墓志銘、作於是年。

二年丁巳。年七十歲。

正月。至嘉興弔閔中丞喪。二月。讀洪武實錄。因補校四史朔閏攷。手校金史攷異付刊。七月七日。集袁又愷上舍五硯樓。觀其所藏碑刻。八月。瞿涉齋廣文。招爲洞庭西山之游。遂游支硎天平靈巖。徧歷諸刹訪碑。十一月。復游洞庭。憩宿靈祐觀。諸同游秉燭入林屋洞。得石鐘石鼓題名。是年爲兩湖制軍畢公沅校刊續資治通鑑。自溫公編輯通鑑後。宋元兩朝。雖有薛氏王氏之續。而記載疏漏。月日顛倒。又略於遼金之事。近世徐氏重修。雖優於兩家。所引書籍。猶病漏略。自四庫館開。海內進獻之書。與天府儲藏奇祕圖籍。永樂大典。所載事涉宋元者。前人都未寓目。畢公悉鈔得之。以爲此書參攷之助。先經邵學士晉涵。嚴侍讀長明。孫觀察星衍。洪編修亮吉。及族祖十蘭先生。佐畢公分纂成書。閱數年。又屬公覆勘。增補攷異。未歲事而畢公卒。以其本歸公子。公集十國宮詞序、跋楊諱崑山郡志、跋太室石闕銘、跋北山小集。作於是年。

三年戊午。年七十一歲。

三月。袁上舍廷樞。招同王述庵、潘榕皋、段懋堂、蔣立厓諸先生。集漁隱小圃看花。戈上舍襄。又招集

范邨別墅各有唱和詩。七月尹閣學壯圖自京還滇迂道踵門乞其先人墓志留數日而去。公集五硯樓記與梁曜北論史記書小學攷序感應篇箋注序三國志辨疑序太子太保畢公墓志銘冀甯道沈公墓志銘及榮祿大夫尹公墓志銘作於是年又有鶴書堂集序抱經堂集序鮑君墓志銘不載集中。

四年己未年七十二歲。

正月高宗純皇帝龍馭上賓遺詔到縣設幕舉哀公感念先帝眷注猥以筋力衰積涓埃未報伏地哀號感動行路仁宗睿皇帝親政詢公在家狀朝臣寓書勸駕公輒以老病婉言謝之校定臧氏經義雜記七月校刊金石文跋尾三集成公弱冠時卽有述作意讀書有得輒爲札記仿顧氏日知錄條例後著各書卽於其中挹注又去其涉於詞華者尙哀然成集是年重加編定題曰十駕齋養新錄公集太康輒硯銘海鹽縣瑞麥記經籍纂詁序說文新附攷序學士邵君墓志銘作於是年又有石梁詩草序衣德堂詩集序養新錄序一潛居制義序黃忠節公墓田記侍郎吳公墓志銘不載集中。

五年庚申年七十三歲。

二月游西湖與中丞阮公臬使秦公暨梁山舟曜北陳曼生諸先生唱詠流連旬日而去八月至

與江之盛澤鎮。應其地沈氏之招。舟次爲王旭樓。覬跋徐虹亭太史山水卷。先是制府汪公志伊撫吳。與公尤交好。時相過從。討論宋儒名理。格致誠正之功。每相對兀坐。蕭然忘晷。汪公好談星學。術者有言。其頃在申運。恐有不利。汪公深以爲慮。見諸吟詠。郵筒遠寄。公爲作星命說遺之。道子平之妄。見文集卷三。又集中嚴半庵墓志銘。嵇靜園墓志銘。作於是年。又有重刊國語序。元史藝文志序。旌孝集序。施小鐵詩集序。廿二史劄記序。小蓬萊閣金石文字序。徐尙之詩序。顧南雅時文序。與顧千里論平宋錄書。海甯馮氏兩世墓碣。不載集中。

六年辛酉。年七十四歲。

三月。黃部曹丕烈爲刊元史藝文志成。作後序。四月。游虞山。是年長興令邢公澍延公及可廬先生。總修縣志。可廬先生留館邢署。公於課士之暇。泛舟苕谿。商榷條例。聯牀笑語。至夜分不寐。老年兄弟。姜被重溫。爲天倫樂事。乃取眉山故事。繪對牀風雨圖。阮宮保爲刊三統術衍。公集跋胡氏詩傳附錄纂疏。唐六如像贊。熊太夫人墓志銘。儒林郎董君墓表。作於是年。又有邵西樵懷舊集序。王氏世譜序。儀禮蒙求序。陸豫齋家傳。不載集中。

七年壬戌。年七十五歲。

是年學使歲試新進童生。例送入學。公以六十年前博士弟子。偕新生輩重謁先聖先師。禮成。賦詩

一章以紀其事。九月至長興。旋至南潯鎮。觀劉氏桐藏書。是年有與王石臞論廣雅書。元史本證序。拜經樓詩集序。杜詩注釋序。王治山墓志銘。沈宿昭墓志銘。汪對琴墓表。皆不載集中。

八年癸亥。年七十六歲。

正月。至青浦之北簞山。訪何澹安先生就醫。閏月復往。是時公感寒疾。時作時止。兩目益衰。屢以老病不支。力辭講席。中丞鄂濟公岳起固留之。未幾。汪公復來撫吳。素與公交厚。下車日。未及接見。僚屬卽顧講舍。歡然道故。攷定西遼傳世歲數。夏秋之間。疾屢作。金石文跋尾四集刊成。冬。長興縣志成。十二月。始刊養新錄手定本。凡二十卷。後所得爲養新餘錄三卷。李許齋方伯爲刊洪文惠、文敏、陸放翁年譜。公集西泚先生墓志銘、敬亭弟墓志銘。作於是年。又有慕陵詩彙序、三松堂詩序、吳柳門詩序、寒碧莊宴集序、重刊戰國策序、跋析里橋卮閣頌、跋鄒南皋書趙文毅公傳、跋史通、王實庵傳。不載集中。

九年甲子。年七十七歲。

春。到書院後。仍患寒熱。卽歸醫治。閱二旬。始得痊可。病中汪公常寓書慰問。情甚殷拳。公以中丞厚誼。不忍再言辭館。病起卽赴吳門。久之始得霍然。是歲江甯鄉試。向例停課。公乃歸家。時萊陽趙北嵐明府會。權知嘉定縣事。明府雅好金石。執簡相招。公久不赴親朋宴會。以欲縱觀明府所藏。遂

鼓興往，展玩竟日，并爲題記數行，樂而忘倦。榜後復至書院。十月二十日，晨起盥洗，展開一編，飯後更衣，薙髮，校養新錄刊本數葉。案頭有中丞新詩屬公評定者，公循誦再三，謂所作有關名教，非僅詩人能事。手書小箋報之，俄覺勞倦，命侍者扶掖登牀，適有門人孫公延晤談，見公神色異於平時，往告監院。監院遽達中丞，中丞曰：「無妨也。」頃接手書，精神不減，豈墨瀋未乾，而遽有變耶？卽命駕詣公榻前，見公閉目危坐，急命左右灌以熱湯，竟不復蘇。時爲申正也。先祖輩適於數日前回家，中丞卽令屬差役速報。先祖輩聞訃，匍匐奔喪，卽於是冬扶柩歸里。十年乙丑十二月，合葬王恭人於外岡鎮李十五圖火圩。青浦王少司寇爲撰墓志銘，寧化伊太守秉綬分書，勒石納於穿中。十二年丁卯四月，奉旨入祀鄉賢祠，纂入國史儒林列傳。卒年有馮補亭詩序、石鼓文讀序、九容廣注序、楊氏家譜序，與張古餘書，見嚴氏觀所著江寧金石記、汪崇陽墓志銘，皆不載集中。

先曾祖少詹事公所著廿二史攷異、金石文跋尾、十駕齋養新錄、三統術衍、元史藝文志等書，久已刊行傳世。公歿後，先祖等與在院諸公校刊潛研堂文集、養新餘錄，而祖姑夫瞿公中溶、許公希沖、初名隆堂又以金石文字目錄、公門人同邑李公賡芸，以攷史拾遺、王伯厚王元美年譜、補唐五代宋學士年表、黃公鐘以元氏族表、潛研堂詩集，先後付梓。錢塘何公元錫，又於日記中摘取所見古書金石及書院策文，彙爲一帙，刻之，題曰錢氏日記鈔。近年儀徵阮氏、江寧汪氏、海鹽吳氏，復有恆言錄、

四史朔閏攷聲類疑年錄之刻海內之願讀公書者亦幾備矣。而名公卿學士之訪求遺藁。至於今猶未已也。慶曾之生不及聞公警效。又十齡而孤。於先世著錄撰述茫然不知所自。比長稍有知識。偶得手澤。謹謹寶藏。恭繕潛研堂全書。以史傳擬稿。及公之遺像。像贊。墓銘。並冠諸卷首。而公之年譜闕如。不無遺憾。因案先世行述傳銘。及所聞於族黨長者。輯爲一稿。既成。而叔祖石橋先生檢出公自編年譜一卷。受而讀之。乃改削前稿。其壬子以前。恭錄原文。而凡散見於詩文集及他書之可以互證者。分記其下。蓋公所不暇詳者。皆後人所不敢略者也。原文所稱人物書籍碑刻之屬。又略加詮注。不知者闕之。文集各篇。作於何時。有可攷者。亦分記每年之末。其癸丑以後。謹爲續編以附焉。道光辛卯冬日。曾孫慶曾謹識。

目次

十駕齋養新錄序

自序

錢辛楣先生年譜序

錢辛楣先生年譜

竹汀居士年譜續編

十駕齋養新錄總目

十駕齋養新錄卷第一……………一

十駕齋養新錄卷第二……………二二三

十駕齋養新錄卷第三……………四五

十駕齋養新錄卷第四……………六三

十駕齋養新錄卷第五……………八九

十駕齋養新錄卷第六……………一一九

十駕齋養新錄卷第七……………一四九

十駕齋養新錄卷第八……………一七一

十駕齋養新錄卷第九……………一九五

十駕齋養新錄卷第十……………一二七

十駕齋養新錄卷第十一……………二四五

十駕齋養新錄卷第十二……………二六五

十駕齋養新錄卷第十三……………二九一

十駕齋養新錄卷第十四……………三一五

十駕齋養新錄卷第十五……………三五—

十駕齋養新錄卷第十六……………三七三

十駕齋養新錄卷第十七……………四〇一

十駕齋養新錄卷第十八……………四一七

十駕齋養新錄卷第十九……………四三九

十駕齋養新錄卷第二十……………四六三

十駕齋養新餘錄總目	四七九
十駕齋養新餘錄卷上	四八三
十駕齋養新餘錄卷中	四九五
十駕齋養新餘錄卷下	五一一

十駕齋養新錄總目

卷一

易韻

六十四卦兩象易圖

祇

易簡

兌爲妾爲養

筮用錢

有亂十人

養

泯泯焚焚

魏三體石經

揚之水

六十四卦

畜

力少而任重

河圖洛書

朱文公本義

南訛

思曰容

耄荒

矜

協句卽古音

陸氏釋文諄訊不辨

六十四卦旁通圖

觀

傷於外者必反於家

八卦方位

說文引易

于於

遵王之誼

苗民弗用靈

榮懷

葑

驕

曰與聿通

脩脩

以重言釋一言

鶴鳴九皋

譖

憯慘

云何盱

爰其適歸

腺

板

造

有郃家室

岸

壺

愬風

藪

降予卿士

毛傳多轉音

詩序

卷二

建栖誤作捷栖

摯

君之庶子

朴

涅

紉

復

挈

媿

卅

笱當爲笱

綱

勉卽俛字

孺子

張老善頌

禮地神

使子路問之

祭殤不舉

貸

厭

的然

親民

修爵

曼

不闕秦焉取之

戍戍

吳行人儀

天厲

向戍如陳

大人患失

莒子狂

正義刊本妄改

朽與香對

素位

子贛

譬

王者禘其祖之所自出

窳

羊斟不與

乘

絳縣人七十三年

褚

高子容

咋

衡流而方羊

何氏注公羊傳

斲

鬼神

吳草廬中庸綱領

貪戾

寔來

陪

感卽憾字

匱盟

蔽

徒兵

旦

妃牆

四方其順之

孔子生年月日

卷三

天道

攻乎異端

又盡善也

冉伯牛

居下訕上

斯已而已矣

曾

程子言性中無孝弟

主一無適

天卽理

忠恕

公孫拔

劉聘君

朱注引石經

朱子四書注避宋諱

論孟集注之誤

孟子章指

孟子正義非孫宣公作

宋高宗書孟子

好名之人一節

頑夫廉

衫衣

檢

齊人伐燕

簿

季任

張氏

磁基

百畝之糞

槭棘

窳

將且

女叔

太歲

東陵阮

鈎股

蠶醜蝻

駟

王女

今本爾雅誤字

注疏舊本

經史當得善本

石經避諱改字

石經俗體字

陸氏釋文多俗字

卷四

說文舉一反三之例

說文連上篆字爲句

說文讀若之字或取轉聲

二徐私改諧聲字

說文引經異文

唐人引說文不皆可信

說文本字俗借爲它用

宋人不講六書

說文校譌字

慙

奪

辭

姿

贊

鬮

媠

奔

古音不甚拘

客

儻卽舛字

脆

畜有好音

旭有好音

需有奐音

擗擗非一字

徐仙民多古音

更

漸

長深高廣

假借乞

伐

觀

與

錯

蝗

蔓

繆

馨

條

難

長

兼

余

免與脫同義

庵

函

卷五

票姚

枇

中

員

乘

馮

差

阿

挑

庫

焉提

床

汜

詬

荷

比

相

若

空

蜉

亢

冒

從橫可讀去聲

犢鼻褌

斫

宋時俗字

孫炎始爲翻語

紐弄

聲類韻集

四聲始於齊梁

四聲圈點

翻切古今不同

一字兩讀

沈休文不識雙聲

韻書次第不同

唐宋韻同用獨用不同

平水韻

雙聲疊韻

喉舌齒唇牙聲

字母

西域四十七字

字母諸家不同

古今音

古無輕唇音

舌音類隔之說不可信

聲相近而譌

元時方音

卷六

三史

十三史十史

十七史

十八史十九史

監本二十一史

史記舊本

十二諸侯年表

角里先生

司馬貞

吳楚通稱

漢書景祐本

地理志譌字

臣瓚晉灼集解

漢書注本始于東晉

後漢書注攙入正文

張堪

章懷注多譌字

王充

陳蕃傳二郡字

孔融傳誤

許慎傳漏略

司馬彪續漢書志附范史以傳

安縣卽婁縣之譌

平原有西平昌縣

永憇年號

三國志注誤入正文

徐詳當有傳

新晉書

晉書敍例

新舊晉書不同

晉僑置州郡無南字

晉書沿襲之誤

濟陽乃濟陰之誤

樂安國鄒縣

吳興郡脫一縣

西郡非漢置

青州脫北海郡

濟岷郡

豫州之沛郡

幽州之燕國

內史太守互稱

沙門入藝術傳始于晉書

列女

嘉祐校七史

南齊書序錄

諸史殘闕

緹裙

夷齊字誤

官名地名從省

新唐書明皇二十九女

本紀一事重書而年月違錯

宗室世系表脫漏

德王裕本名佑

彭王惕

通王滋

沂王禔

宋景文識見勝於歐公

碑碣石獸

居官避家諱

大太二字易混

唐書

特勤當從石刻

劉禹錫傳誤

五代史

周世宗兩符后

劉昫傳不言修唐史

卷七

宋史刻本之誤

瀛國公紀

南渡諸臣傳不備

一人重複立傳

編次前後失當

神宗諡

地理志之誤

宋史褒貶不可信

藝文志脫漏

王安石傳誤

邵雍傳誤

劉應龍傳脫誤

折杖起於宋初

凌遲

戒石銘

宋太廟

宋人避軒轅字

宋世慶節

以年號爲州縣名

花石綱

錢文紀年號

年號連書從省

田錫諡

范祖禹諡

景定建儲更名

張載諡

王安石狂妄

明道先生

程邵之學

宋儒議論之偏

宗室入翰苑

孔子諱

避老子名字

僧道不稱寺觀主

政和禁聖天等字命名

禁人名寓意僭竊

張懷素吳儲

李彥章言史學

張浚爲黃汪所薦

張于湖對策

史浩薦張浚

沈尤同族

周孚先

秦檜妻賜號先生

范文穆與文正不同族

蘇門四學士

李士美狀元

薛昂

李心傳

李挺之

楊大年事不足信

劉高尙

卷八

宋季恥議和

四川宣撫

四川制置

沿江制置

兩淮制置

京湖制置

京湖

利州路分東西

湖東湖西路

襄陽暫復

復襄樊年月不同

喫菜事魔

吳潛建儲之謗

遼史

壽隆年號誤

西遼紀年

金史衛紹王紀

金史義例未當

金人多二名

地理志失載鞏昌府

一地異文

南遷錄

卷九

元史

元初世系

太祖紀

萬奴

伐西夏事差一年

李全事誤

旭烈兀大王

罕勉力卽哈密

尋思干

趙世延楊朶兒只皆色目

不只兒卽布智兒

祖孫同號

延祐四年正月肆赦詔

本紀失書廷試進士兩科

三公宰相表脫一年

元史不諳地理

漢人八種

咸寧字誤

興德字誤

迦堅茶寒

太宗三萬戶名不同

也可太傅

四怯辭

五部將名互異

汪世顯傳不可信

鄧州移復

胡土虎

李全字誤

月乃合

雍古

劉敏傳

元初十路

宣聖配享

泰定皇后

蒙古語

僧稱吉祥

道童

順帝後世次

高麗王二名

王暘傳位事不足信

高麗王大順

史臣分修志傳姓名可攷者

明史

程濟

洪武鈔

世襲五經博士始于明

元後裔

泰寧

河套

順義王俺答

譯音無定字

卷十

三公

員缺

大尙書

大著作

五官

大學士

總督巡撫

唐人服色視散官

升朝官京官

前行中行後行頭司子司

吏部七司

尙左尙右侍左侍右

左右

度支支度不同

階官分左右

正議大夫以上分左右

選人七資四等

帥漕憲倉

庾司

四總領

十都統

直隸

州院

宜差

建康府通判三人

官名俗省

狀元榜眼

經義破題

題目疑難處上請

塗改添注

春秋合題

銓試

科舉之弊

文文肅殿試卷

鄉試錄

卷十一

江南

上江下江

三楚

三蜀

兗州

山東

湖北湖南

四川

分天下爲路

水經注難盡信

廣韻載唐州名

平州

薛

盱眙

牟婁

通州

大名府

泉州

新豐

石城

虎嘯城

蜀四帥府

水洛城

光化

沌口

李晏口

平水

秀水

青海

避諱改郡縣名

漢地理志縣名相同

後漢縣名相同

唐縣名相同

宋縣名相同

元州縣名相同

明縣名相同

卷十二

姓氏

姒

井官

郤郗二姓相溷

廣韻述氏姓

家譜不可信

郡望

杜康

鴟夷子皮

養由基

刀父

季襄

趙梁左強

莊彭祖

蔡伯偕

漢人不見於史者

徐巡

張徹

朱建安

謝超宗

王筠

漢人同姓名

異代同姓名

晉人同姓名

晉書姓名互異

王宰

張元張元之

李播

唐人同姓名
盧貞

李翱

呂太一

陳子昂

李若水

王維王縉

王定保

韋應物

劉育虛

宋人同姓名

古人號相同

古人姓名割裂

卷十三

詩傳附錄纂疏

儀禮注小字宋本

儀禮疏單行本

論語注疏正德本

國語

廣雅

玉篇

周成雜字

龍龕手鑑

六書正譌

文場備用排字禮部韻注

萬斯同石經攷

史記宋元本

竹書紀年

十六國春秋

吳越備史

唐書直筆新例

薛氏宋元通鑑

唐律疏義

史通

司馬溫公稽古錄

量公邁歷代紀年

胡五峯皇王大紀

東家雜記

孔氏祖庭廣記

東平王世家

聖武親征錄

平宋錄

祕書志

復齋郭公言行錄及敏行錄

明諸司衙門官制

文獻通攷

永樂大典

卷十四

太平寰宇記

輿地紀勝

會稽志

會稽續志

赤城志

嚴州重修圖經

新定續志

琴川志

金陵新志

太倉州志

浙江通志

江西通志

風俗通義

顏氏家訓

容齋隨筆

揮塵錄

履齋示兒編

史繩祖學齋佔畢

石刻鋪敘

癸辛雜識

夢梁錄

輟耕錄

湧幢小品

日知錄

池北偶談

天祿識餘

洗冤錄

證類本艸

數學九章

寶祐會天歷

梅花喜神譜

文選元槧本

章蘇州集

潘水集

陵陽先生文集

偶桓江雨軒稟

郡齋讀書志

篔竹堂書目

卷十五

商已孫敦

唐東都尙書兵部印

星經

測圓海鏡細草

三秭撮要

文心雕龍

宋名賢五百家播芳文粹

臨川集

野處類稟

石田集

曝書亭集

趙希弁讀書附志

元藝文志

睢陵家丞印

南漢銅鐘題字

丹元子步天歌

革象新書

太乙統宗寶鑑

文選注

陸宣公集

查氏注蘇詩

鶴山大全集

金華黃先生集

崇文總目

直齋書錄解題

晉率善侯印

宋金官印

日字銅牌

元常德路鑄造祭器題字

甘露寺銅鐘

豹字牌

禮器碑

析里橋廊閣頌

邵陽令曹全碑

蜀石闕

楊紹買地券

馮本紀孝碑

茹守福墓誌

北嶽神廟碑

雲麾將軍李秀碑

諸暨令郭密之詩

王顏追樹十八代祖晉司空碑

楚金禪師碑

湖州府天寧寺石幢

竹林寺石幢

慈雲嶺石刻

吳越武肅王廟碑

溪州銅柱記

石刻詩經殘本

經筵薦士章橐

趙崇雋壙誌

永清縣宋石幢

史氏墓三碑

朝城縣令旨碑

勢都兒大王令旨碑

東鎮廟元碑

卷十六

詩句中有韻

雙聲亦韻

古人聲韻之密

雙聲

沈約韻不同于今韻

七言在五言之前

古詩律詩之別

陶靖節詩

聯句

詩集附它人作

飲中八仙

友于

韋左司

十字

杜韋娘詩

唐人辨聲韻

李義山

王介甫詩

江西派

詩詞蹈襲

放翁論詩

蘄苴

後邨詩

杜少陵詩用韻

亞相

分減

乾愁乾忙

衛中立字退之

李正封

金昌緒

晚唐詩

蘇東坡詩

鼂无咎詩

一集中重複句

百家姓

宋正甫

論詩絕句

少陵生卒年月

頻煩

少陵用辭據詩

句

苜蓿盤

借韻

胡釘鉸

父母官

蔡確車蓋亭詩

第一山詩

楊陸兩公年壽

楊誠齋詩

迎富

律詩失粘

水田衣

上下洞

魴脰

三橋

踏與踏異

辨邵堯夫水火土石

查初白

文選

御覽載孔融語

庾闡揚都賦

范縝神滅論

文筆

庾子山賦

傅奕詆浮圖法

陋室銘

宋子京喜韓柳文

原道

諱辨

河閒傳

古人文字不宜學

文集須良友刪削

曾王晚年異趣

七大家

老蘇族譜引

東坡跋語誤

喜雨亭記

東坡學韓柳

父子共一碑

歸震川

顧寧人

開化寺碑

四六

文人避家諱

題諱填諱

卷十七

圓經周率

王深寧引九章有誤

夕桀

六壬推行年

六壬十二神

太一

天一家

算盤

蓋天

九魁

河圖闔苞受

霜月

咸池

太陰

六曆

歲星超辰

置閏

二十四時

夜子時

回回算術

十干配合

刑德

河戒本河戎之譌

電父

雷公

大將軍

孤虛

歸忌

反支

奇門

九宮之神

六壬

卷十八

道

五倫

忠恕

言動

謙讓

義利

廉恥

方正

儉

止謗

改過

重人不重位

語錄

名

功過相除

朱文公議論平實

陳止齋不好辯

宋儒經學

道統

太極

六經注我

引儒入釋

知人之難

法後王

臣道

薦賢

黨籍

沈圭說

六先生

士大夫不說學

清慎勤

居官忌二事

科場

河防

通鑑多采善言

古語多有本

清談

文字不苟作

文人勿相輕

文人浮薄

詩文盜竊

釋氏輪迴之說

釋道俱盛于東晉

治生

卷十九

宋槧本

借書

引書記卷數

下走

陳椽

關穿

批脇

奧懷

佚蕩

翠

閒介

易

夫差

非三公而稱公

代友改字

宮中稱呼

婦人稱阿

婦人稱奴

老

小名鐵柱

五行命名

義

雨

漢唐金價

大斗大兩大尺

元寶

錠

浙東斗尺

四柱

火耗

孝弟

契姪

褒成侯未嘗徙封

嘉祥縣南武山

錢讓

錢珣

袁高題名

于頔茶山詩述

六先生

生日

生日獻詩詞

禁見任官生日受所屬禮物

爵里刺

宋名刺

齊物

梓潼神

魁星

道人道士之別

天師

碁局

籤詩

卷二十

吳郡志沿革之誤

吳地記

姑蘇志

長洲

松江

沈恭子

陸德明

陸暢

徐半千

黃策

張伯顏

胡惠齋

李諒

滕甫知蘇州年月

程師孟無知蘇州事

章帖

楊景略

豐稷

岑仲翔

賀方回家藏書

程公闢

程氏蝸廬

韓世忠宅

范良器非翰林學士

惠元祐事不足信

富巖墓

蔣彝墓

鄭絳墓

朱耜墓

楊懿孺墓

趙崇雋墓

同年醜唱詩

吳江學宋元碑

渡僧橋石刻

蘇州府儒學誌

十駕齋養新錄 總目

七九

十駕齋養新錄卷第一

嘉定錢大昕

易韻

易象傳六十四卦皆有韻。唯革傳大人虎變。其文炳也。君子豹變。其文蔚也。小人革面。順以從君也。三句以今韻求之。不合。顧氏炎武撰易音。遂諱而不言。予案設文。彪虎文彪也。从彪。彬聲。與易義相應。則許君所見周易必作彪。不作炳也。彬。炳聲相近。故今本作炳。猶彪彪字本當作彪。而詞賦家多用彪炳耳。彪正字。炳假借字。當讀如彪。與君爲韻也。蔚从尉聲。尉本作𤑔。說文。𤑔。从上。案下也。从巨。又持火以申繒也。今吳人呼𤑔斗爲運斗。是𤑔有運音。則𤑔亦可讀如運也。𤑔斗亦謂之威斗。見漢書王莽傳漢律婦告威姑。威姑者。君姑也。說文。蒼讀若威。威與君同音。則𤑔與君協韻。又何疑乎。說文。斐字下引易。君子豹變。其文斐也。斐卽蔚之異文。斐與分聲相近。故亦可與君協韻也。未濟傳。濡其尾。亦不知極也。九二貞吉。中以行正也。朱文公疑極當爲敬。顧氏以極正非韻。亦諱而不言。予謂極从亟。亟敬聲相近。廣韻。亟敬也。方言。自關而西。秦晉之間。凡相敬愛。謂之亟。則朱以極爲敬。甚合古音。但不必破字耳。顧氏拘於偏旁。謂一字不當有兩音。故於此等未能了了。

六十四卦

八卦皆兩兩相對。相對之例。或取交變。乾坤坎離震巽艮兌是也。乾變為坤。坎變為離。震變為巽。艮變為兌。虞翻六十四卦旁通之例。本此。或取反復。震艮巽兌是也。今人謂之反對。乾坤坎離反復不衰。故反復只有四卦。說卦傳多以雷風山澤相對。陰陽奇耦之定位也。八卦重為六十四卦。雖有序卦一篇。列其先後之次。要亦以相對為義。乾坤父母卦。為上下經之首。坎離得乾坤之中爻。故居上經之終。既濟未濟。即坎離。故居下經之終。頤大過。中孚小過。與乾坤坎離同為反復不衰之卦。故各自為對。列於坎離。既未濟之前。此八卦皆以旁通為對者也。其餘五十六卦。皆取反復。震艮巽兌八純卦。亦取反復之例。與說卦不同。說卦言天道。象象明人事也。

六十四卦旁通圖

乾天 坤地

屯水 鼎火

蒙山 革澤

需水 晉火

訟水 明夷地

師地 同人天

比水 大有火

小畜天 豫雷

履天 謙地

泰天 否地

隨澤 蠱山

臨地 遯天

觀風 大壯天

噬嗑火 井水

賁火 困水

剝地 夬天

復地 姤天

无妄天 升風

大畜天 萃地

頤雷 大過風

坎水 離火

咸澤 損山

恆風 益雷

家人風 解水

睽火 蹇水

震雷 巽風

艮山 兌澤

漸風 歸妹澤

豐雷火渙水風

旅火山節水澤

中孚風澤小過雷山

既濟水火未濟水火

乾坤坎離頤大過中孚小過爲反復不衰卦。

泰否既濟未濟反復兼兩象易兼旁通。

隨蠱漸歸妹反復兼旁通。

六十四卦兩象易圖

虞翻說易有兩象易後儒多不能解今演其圖如右乾坤坎離震艮巽兌八純卦上下兩象相同不列。

屯雷水解雷水

蒙山水蹇山水

需天水訟天水

師水地比水地

小畜風天姤風天

履天澤夬天澤

泰天地否天地

同人天火大有天火

謙地山剝地山

豫雷地復雷地

隨雷澤歸妹雷澤

蠱風山漸風山

臨地澤萃地澤

觀風地升風地

噬嗑火雷豐火雷

賁火山旅火山

无妄雷天大壯雷天

大畜天山遯天山

頤雷山小過雷山

大過澤風中孚澤風

咸澤山損澤山

恆風雷益風雷

家人火風鼎火風

晉火地明夷火地

睽火澤革火澤

困澤水節澤水

井水風渙水風

畜

易小畜大畜卦釋文云。本又作蓄。敕六反。積也。聚也。鄭許六反。養也。大畜象傳。多識前言往行。以畜其德。序卦傳。比必有所畜。物畜然後有禮。有無妄然後可畜。物畜然後可養。釋文皆云。本又作蓄。唯大畜象傳。有能止健之語。此言乾艮二卦之德。非釋卦名。蓋宣尼說易。未嘗訓畜爲止。漢儒或訓積。或訓養。皆無止義。王輔嗣注亦同。獨孔穎達小畜正義云。性又和順。不能止畜在下之乾。又云。若陽之上升。陰能畜止。又云。小畜之義。唯當畜止在下三陽。又云。總不能畜止剛健。又云。不能畜止諸陽。蓋疏家因大畜有止健之文。遂類及於小畜。不知巽主入。不主止。大畜艮在乾上。能畜而止之。小畜巽在乾上。能畜不能止。故有密雲不雨之象。大畜可言止。小畜不可言止也。後儒沿正義之誤。遂疑畜有止義。并孟子畜君何尤句。亦訓爲止矣。

經典畜字有三音。讀敕六切者。訓積。訓聚。讀許六切者。訓養。讀許救切者。訓六畜。此字說文作畧今人讀六畜爲敕六切。蓄聚爲許六切。皆非古音。

觀

古人訓詁。寓於聲音。字各有義。初無虛實動靜之分。好惡異義。起於葛洪字苑。漢以前無此分別也。觀有平去兩音。亦是後人強分。易觀卦之觀。相傳讀去聲。彖傳。大觀在上。中正以觀天下。象傳。風行地上。觀。並同此音。其餘皆如字。其說本於陸氏釋文。然陸於觀國之光。兼收平去兩音。於中正以觀天下。云徐唯此。

一字作官音。是童觀。闕觀。觀我生。觀其生。觀國之光。徐仙民並讀去聲矣。六爻皆以卦名取義。平則皆平。去則皆去。豈有兩讀之理。而學者因循不悟。所謂是末師而非往古者也。魏了翁觀亭記云。觀卦象象。爲觀示之觀。六爻爲觀瞻之觀。竊意未有四聲反切之前。安知不皆爲平聲乎。斯可謂先得我心者矣。大學國治之治。陸德明音直吏反。而先治其國之治無音。則當讀平聲。此尤可笑。夫齊家家齊。脩身身脩。正心誠意。意誠。格物物格。皆不聞有兩音。而獨於治字辨之。曾不審上下文。不幾於菽麥之罔辨乎。

祇

說文示部。有祇祇二字。一爲神祇字。从氏。地示提出萬物者也。一爲祇敬字。从氏。敬也。又別有禋字。从是。安福也。引易禋既平。今易亦作祇。京房作禋與說文同古文氏是通用。則禋祇亦可通。但相承讀爲支音。與神祇音小異耳。復卦无祇悔。王肅作禋。九家本作多。字音支。案左氏襄廿九年傳。祇見疏也。服虔本祇作多。論語多見其不知量也。多與祇同。疏家謂古人多祇同音。祇訓適。詩祇攬我心祇自塵兮皆訓適史記韓安國傳。禋取辱耳。徐廣云。禋一作祇。漢書亦作祇。禋既訓福。訓安。安與適義亦相承。則祇訓適者。卽與禋通之祇。非別有它字矣。乃玉篇於衣部添祇字。讀之移切。訓爲適。此六朝俗體。說文但有从氏訓短衣之祇。初無祇字也。而張參五經文字衣部。承玉篇之誤。亦收此字。訓作適。且以从示爲誤。則大謬矣。唐石經。无祇悔。从示从氏。祇既平。从衣从氏。此又承張參之誤。玉篇禾部有祇字。竹尸切。穀始然也。此字不載說文。且經典所無。或以當祇適字。非。

力少而任重

繫辭傳。德薄而位尊。知小而謀大。力小而任重。三句中用兩小字。似覺偏枯。當從唐石經作力少而任重。

爲正。後漢書朱馮虞鄭周傳。贊注引易。與石經同。三國志王脩傳。注引魏略。力少任重。漢書王莽傳。自知德薄。位尊。力少。任

大。今本少作小。唯北宋景祐本是少字。

傷於外者必反於家

序卦傳。傷於外者。必反於家。唐石經及岳氏本並同。今本作必反其家。周易本義咸渙本亦作於字。

易簡

易簡而天下之理得矣。四時行。百物生。天地之易簡也。無欲速。無見小利。帝王之易簡也。皋陶作歌。戒元首之叢脞。叢脞者。細碎無大略。吳季札所謂其細已甚。民弗堪也。易簡之道失。其弊必至於叢脞。

河圖洛書

河圖洛書兩圖。宋朱震周易卦圖始首列之。謂劉牧傳于范諤昌。諤昌傳于許堅。堅傳于李溉。溉傳于种放。放傳于希夷陳搏。河圖戴九履一。左三右七。二四爲肩。六八爲足。縱橫十有五。總四十有五。洛書一與五合而爲六。二與五合而爲七。三與五合而爲八。四與五合而爲九。五與五合而爲十。一六爲水。二七爲火。三八爲木。四九爲金。五十爲土。十卽五五也。太元曰。一與六共宗。二與七共朋。三與八成友。四與九同

道五與五相守。范望云：重言五者，十可知也。一三五七九奇數，二十有五，二四六八十偶數，三十。故曰：天地之數五十有五，數五卽十也。故河圖之數四十有五，而五十之數具；洛書之數五十有五，而五十之數在焉。唯十卽五也。故甲己九，乙庚八，丙辛七，丁壬六，戊癸五，而不數十，十盈數也。案漢上朱氏始列河圖洛說，以九爲河圖，十爲洛書。至朱文公用蔡元定說，以劉所傳河圖爲洛書，洛書爲河圖。又引元定說，謂圖書之象自漢孔安國劉歆魏闕子明宋康節先生邵雍皆謂如此。至劉牧始兩易其名，而諸家因之。

劉牧易數鉤隱圖以九爲河圖，十爲洛書，而朱文公易之。魏華甫云：朱文公以十爲河圖，九爲洛書，引邵子說，辨析甚精。而邵子不過曰：圓者河圖之數，方者洛書之文。且戴九履一之圖，其象圓，五行生成之圖，其象方，是九圓而十方也。安知邵子不以九爲圖，十爲書乎？朱子雖力攻劉氏，而猶曰：易範之數，誠相表裏，爲可疑耳。又曰：安知圖之不爲書，書之不爲圖，則朱子尙有疑於此也。

九宮之圖古矣。大戴禮明堂篇：二九四，七五三，六一八。明堂九室之制，蓋準乎此。易乾鑿度：四正四維，皆合於十五，亦謂此圖也。其原本出于易，與八卦方位相應。漢儒皆能言之。方士又以白黑碧綠赤黃紫記其方位，別爲太一遁甲之術，以占吉凶休咎，遂爲儒者所不道。陳希夷輩依大戴爲圖，不用白黑等字，其識固高出方士一等矣。但此圖流傳已久，漢世河洛祕緯盛行，不聞指此爲河圖，亦不聞指爲洛書，未審後儒何所見而鑿鑿言之也。

盧辯注大戴有法龜文之說，辯北齊人也。甄鸞注數術紀遺云：二四爲肩，六八爲足，左三右七，戴九履一。

五居中央。亦與龜文之說暗合。鸞後周人也。朱文公以九爲洛書。蓋用盧辯說。而誤以爲鄭氏注。

八卦方位

八卦方位。震東方。巽東南。離南方。乾西北。坎北方。艮東北。見於說卦傳。坤兌次于離後。乾前。則坤西南。兌西方。可知也。伏羲始作八卦。以木德王。傳云帝出乎震。謂伏羲也。然則說卦傳所言方位。出於伏羲所定。萬世無可變易之理。而後儒私造先天一圖。託於伏羲。欲駕文王孔子而上之。慎到甚矣。推其意。特以乾坤父母之卦。而列於四隅。與巽艮相對。於心有所不安。必改爲乾上坤下。乃順乎人情耳。曾不思四正四維。均在平面。本無上下之分。若以天地之形勢言之。則北高而南下。以朝廷之定分言之。則君之南面者。位在北。臣之北面者。位在南。乾南坤北。正與高下尊卑相反。吾不知其定位何在也。月令以中央土列季夏之後。此坤位西南之明證。而乾位西北。其義尤非淺人所能識。蓋陰陽往來之理。驗於四時。播於十二消息卦。聖人扶陽而抑陰。故有純陽無純陰。十月純坤之卦。又當西北極陰之鄉。惟純乾可以制之。故釋天十月爲陽。而於坤之上六有龍戰之象。於傳言戰乎乾。又云陰陽相薄。相薄而陽必勝。非純乾不能。此乾位西北之義也。

宋儒所稱先天八卦方位。乾南坤北。離東坎西。震東北。巽西南。艮西北。兌東南。或謂合於虞翻納甲之義。其實則大不然。乾納甲壬。甲壬非正南也。坎納戊。離納己。戊己非東西也。震納庚。庚非東北也。艮納丙。丙

非西北也。坤納乙癸。癸固北矣。而乙非北也。是與納甲之方位大相背也。若以月行盈虧驗其方位。朔爲正北。望爲正南。則上弦當居正東。下弦當居正西。今乃以坎離居東西。非其理矣。朱震所演納甲及天干地癸會於北方兩圖。雖與先天方位相合。卻非虞翻之旨。

兌爲妾爲養

說卦。兌爲剛。鹵爲妾。爲羊。釋文。羊。虞作羔。今李鼎祚集解引虞仲翔注。亦作羔。云。兌爲羊。已見上文。此爲重出。非孔子意也。武進臧鏞堂在東。謂羔乃養字之誤。攷虞注爲妾。云。三小女位賤。故爲妾。其注爲羔。云。羔女使。皆取位賤。故爲羔。虞以羊爲再出。若作羔。爲小羊。意亦不異。故知本是養字。傳寫脫其下半耳。又鄭康成本作爲陽。注云。此陽。謂養無家女。行貨炊爨。今時有之。賤於妾也。見漢上易傳然則此字當爲廝養之養。鄭虞兩家正合。其作羊作陽。皆養字聲近之誤。

朱文公本義

賁彖傳本義云。先儒說。天文上當有剛柔交錯四字。不云先儒何人。案王輔弼注。剛柔交錯以成文。天文也。釋文正義。俱不言經有脫文。唯李衡義海撮要載徐氏說。天文也。上脫剛柔交錯四字。本義所稱先儒。卽其人也。名字未詳。或云郭京周易舉正先有此說。然舉正係宋人託名。自言曾見王輔弼韓康伯手寫真本。其誕妄可知。既濟亨小。當爲小亨。此胡瑗說也。能研諸侯之慮。侯之二字衍。此朱震說也。朱引王弼略例能研諸虛句爲證。皆見義海撮要。

咸瀆乙丑九江吳革所刻正義大字本極精審。雜卦、遘、遇、不作姤。與唐石經同。案說文無姤字。徐鉉新附乃有之。古易卦名本作遘。王輔嗣始改爲姤。後儒皆遵王本。唯雜卦傳以無王注。偶未及改。宋本猶存此古字。明人撰大全者。盡改爲姤。自後坊本相承皆用大全本。村夫子不復知有文公元本矣。大有象傳。明辨皙也。亦與石經同。

說文引易

說文相字下引易。地可觀者。莫可觀於木。今易無此語。或疑說卦之逸文。案說卦天地定位四章。皆以雷風相對。無取象於木者。此殆是釋觀卦名義。巽上坤下。木在地上之象。其卦爲觀。於文木旁目爲相。相亦觀也。許叔重引虞書。仁閔覆下。謂之旻天。又怨匹曰速。皆漢儒傳授經說。非經正文。與此條引易正相似。

筮用錢

士冠禮疏。筮法依七八九六之爻而記之。但古用木畫地。今則用錢。以三少爲重錢。重錢則九也。三多爲交錢。交錢則六也。兩多一少爲單錢。單錢則七也。兩少一多爲拆錢。拆錢則八也。案少牢云。卦者在左坐。卦以木。故知古者畫卦以木也。攷賈公彥疏。本於北齊黃慶。隋李孟。慙二家。是則齊隋與唐初皆已用錢。重交單拆之名。與今不異。但古人先揲蓍而後以錢記之。其後術者漸趨簡易。但擲錢得數。不更揲蓍。故唐人詩有衆中不敢分明語。暗擲金錢卜遠人之句。

說文無訛字。堯典平秩南訛。漢書王莽傳作南僞。史記索隱本作爲。小司馬云。爲依字讀。春言東作。夏言南爲。皆是耕作營爲。勸農之事。孔氏強讀爲訛字。雖則訓化。解釋亦甚紆回也。今本史記皆作譌。蓋後人附會孔傳。輒加言旁。非史公之意。古書僞與爲通。荀子性惡篇云。人之性惡。其善者僞也。又云。不可學不可事而在天者。謂之性。可學而能。可事而成之在人者。謂之僞。是僞卽爲字。史漢文異。而意不異也。古音爲如譌。故僞孔傳轉作訛。而有訛化之訓。周禮馮相氏注。仲夏辨秩南譌。段懋堂云。葉林宗影宋鈔本釋文。亦作南僞。

于於

于於兩字。義同而音稍異。尙書毛詩。例用于字。唯金縢爲壇於南方北面。乃流言於國。公將不利於孺子。酒誥。人無於水監。當於民監。邶風。俟我於城隅。齊風。俟我於著乎。而俟我於堂乎。而俟我於庭乎。而秦風。於我乎。夏屋渠渠。於我乎。每食四簋。曹風。於女歸處。於女歸息。於女歸說。豳風。於女信處。於女信宿。大雅。於萬斯年。仍用於大雅。不實于亶。宋本閒有作於者。誤也。論語例用於字。唯引詩書作于。而乘桴浮于海。餓于首陽之下。仍用于。今字母家以於屬影母。于屬喻母。古音無影喻之別也。

有亂十人

子有亂十人。尙書論語各一見。春秋傳兩見。襄廿八年。昭廿四年。唐石經皆無臣字。今古刻旁添臣字者。宋人妄作。

耳。陸氏釋文亦同。云本或作亂。臣十人。非五代國子監校刊九經始據誤本添入臣字。邢昺論語疏亦承監本。於是劉原父有子無臣母之疑。蘇子瞻太皇太后挽詞亦有允矣才難十亂臣之句。

思曰容

洪範一篇多韻語。貌曰恭。言曰從。視曰明。聽曰聰。思曰容。五句皆韻。自鄭康成破容爲睿。晚出古文因之。案春秋繁露述五行五事篇云。思曰容。容者言無所不容。又云。容作聖。聖者設也。王者心寬大。無所不容。則聖能施設。事各得其宜也。漢書五行志引洪範傳云。思心之不容。而又爲之說曰。容寬也。孔子曰。居上不寬。吾何以觀之哉。言上不寬大包容臣下。則不能居聖位。然則古本洪範皆是容字。今漢書刊本作睿。蓋淺人所改。幸其說尙存。與董生相印證。可見西京諸儒傳授有自。許叔重說文。思容也。亦用伏董說。

遵王之誼

鄭司農云。古者書儀但爲義。今時所謂義爲誼。周禮春官肆師注洪範無偏無頗。遵王之義。本從古文作誼。開元詔書以頗與誼不協。改經文爲陂。曾不知誼从宜得聲。宜本作窆。又從多聲。以誼韻頗。正合古音。即使依今文作義。而義亦从我得聲。與頗初無不叶也。蓋小學之不講。唐人已然。

獲

洛誥。汝乃是不獲。孔馬鄭皆訓獲爲勉。而說文無此字。經典亦止一見。更無它證。予攷釋詁。孟勉也。郭注

云未聞。古讀孟如芒。戰國策有芒卯。淮南子作孟卯。是孟芒同音。莊子孟浪之言。徐仙民音武黨。武葬二切。卽芒之上去音也。釋文獲莫剛反。蓋馬鄭舊音。而同訓勉。則獲卽孟審矣。獲从侵無義。疑卽寤字。孟夢音相近。皆眠勉之轉聲。隸變譌爲獲耳。江處士聲邵學士晉澗皆采予說。

耄荒

呂刑耄荒。釋文耄又作耄。此說文正字也。羣經音辨禾部云。耗老也。音耄。書王秬荒。鄭康成讀。案古書無以耗當耄字者。當是旄字轉寫之譌。周禮大司寇掌建邦之六典。注引書耄荒。樂記宮亂則荒。注引書王耄荒。釋文皆作旄荒。依釋文單行本其散入注疏者今皆作耄矣。是鄭本作旄不作耗矣。禮八十九曰耄射義。旄期稱道不倦。釋文皆用旄字。賈昌朝偶據誤本。切旄爲耗。非也。

苗民弗用靈

呂刑苗民弗用靈。墨子引作苗民否用諫。古書弗與不同。否卽不字。靈諫聲相近。緇衣引作匪用命。命當是令之譌。令與靈古文多通用。令靈皆有善義。鄭康成注禮。解爲政令似遠。

泯泯梵梵

呂刑泯泯梵梵。泯涵聲相近。漢書敍傳風流民化。涵涵紛紛。論衡寒溫篇蚩尤之民。涵涵紛紛。涵涵卽泯泯也。

矜

論衡雷虛篇引尚書曰。予惟率夷憐爾。今多方篇夷作肆。憐作矜。矜憐古今字。論語則哀矜而勿善。論衡引作憐。

榮懷

秦誓以阨陞。榮懷對文。阨陞雙聲。皆疑母榮懷亦雙聲也。今人以榮屬喻母。懷屬匣母。未合於古。

魏三體石經

段若膺云。魏三體石經。洛陽蘇望所刻。見於洪景伯隸續者。名曰左傳。實兼有尚書之文。如五刑。惟濃。罰非死。其差人兩并。寶在命天。呂刑文也。文侯王若在下事。厥辟粵小女。克昭前文。歸視乃一旅。荒寧文侯之命文也。大僂龜粵茲。裁翼目于我友邦。君庶邦于艱大。可征。鰥哀寡。叩自于卹。不敢替克。綏大誥文也。
呂刑十六文。侯之命廿三。大誥卅二。

協句卽古音

沈重毛詩音。於燕燕首章。遠送于野云。協句宜音時預反。二章。遠送于南云。協句宜乃林反。沈重生于梁末。其時去古已遠。而韻書實始萌芽。故於今韻有不合者。有協句之例。協句卽古音也。自陸德明。綴爲古人韻。緩不煩改字之說。於沈所云協句者。皆如字讀。自謂通達無礙。而不知三百篇用韻。諧暢明白。未嘗

緩也。使沈重音尙傳。較之吳才老叶韻。豈不簡易而可信乎。協句亦謂之協韻。邨風寧不我顧。釋文徐音古。此亦協韻也。後放此。陸元朗之時。已有韻書。故於今韻不收者。則謂之協韻。

葑

方言。豐蕁。蕁菁也。陳楚謂之葑。是葑蕁同音。本非二物。詩采葑采菲。徐仙民音葑爲豐。徐氏生於晉末。其時未有韻書。無東鍾之別。自韻書出。而豐入東韻。葑入鍾韻矣。言字母者。又以葑屬非母。蕁屬敷母矣。岐之中又有歧。而古音遂不可復。有識者勿泥於隋唐以後之音。斯可與道古矣。

揚之水

詩王鄭唐風揚之水。今本揚皆从手旁。臧鏞堂云。洪氏隸釋載漢石經唐風第三章。揚作揚。予所見隸釋既見君子云

胡其憂。憂下空一格。下有揚字。不作木旁。當更考之。案王風釋文。揚如字。或作楊。木之字。非。而太平御覽八百十五。八百十六。並引

唐第二章揚之水。三百卅三引詩序揚之水。又九百五十六引毛詩義疏揚之水。皆从木旁。據此。知王鄭唐風揚之水。本皆作楊。自陸德明誤以爲非。而唐石經又定从揚字。今遂無作楊者矣。尙書禹貢揚州。據郭忠恕佩觿。本作楊州。宋本爾雅釋地。亦作揚州。

陸氏釋文詳訊不辨

醉訓告。訊訓問。兩字形聲俱別。無可通之理。六朝人多習艸書。以卒爲夊。遂與夊相似。陸元朗不能辨正。

一字兩讀。沿譌至今。詩陳風歌以訊之。訊予不顧。陸云。本又作諄。音信。徐息悴反。告也。小雅莫肯用訊。陸云。音信。徐息悴反。告也。案此兩詩。本是諄字。王逸注楚詞。引諄予不顧。其明證矣。徐仙民兩音息悴反。是徐本亦从卒也。陸氏狃于韻緩不改字之說。讀諄爲信。豈其然乎。大雅執訊連連。此正訊問字。陸音信是矣。而又云。字又作訊。又作諄。並同。禮記王制。以訊馘告。陸云。本又作諄。學記。多其訊。陸云。字又作諄。則真以訊諄爲一字矣。爾雅。諄告也。陸引沈音粹。郭音碎。當矣。而又云。本作訊。音信。其誤亦同。今毛詩正義石經。皆作訊。又承陸氏之誤。

驕

乘我乘駒。朝食于株。陸氏釋文本。駒作驕。云。音駒。沈云。或作駒字。是後人改之。皇皇者華。篇內同。而於皇皇者華。我馬維駒之駒。則云。音俱。本亦作驕。當是後人依今本互易。非陸意也。說文。馬高六尺爲驕。鄭箋亦云。馬六尺以下曰駒。與說文合。明非二歲曰駒之駒矣。驕駒聲相近。故株林以韻株。皇皇者華以韻濡。諷蓋讀驕如駒。非竟以駒代驕也。說文引詩。我馬維驕。是許所見毛詩不作駒。

曰與聿通

曰爲改歲。漢書食貨志曰。作聿。見睨曰消。荀子。漢書劉向傳。並作聿消。予曰。有奔走。予曰。有先後。王逸楚詞注曰。作聿。曰。喪厥國。韓詩曰。作聿。是曰與聿通也。說文。吹。詮詞也。引詩。吹求厥寧。今毛詩作遙。遙聿同。

音曰卽吹之省文

脩脩

予尾脩脩。唐石經及宋光堯御書本皆作脩脩。岳珂九經三傳沿革例云。監本蜀本越本皆作脩脩。興國本及建寧本作脩脩。是宋刻脩脩二字各本互異。朱文公閩人所據必建寧本。自朱傳行而世遂不復知有脩脩之本矣。說文羽部無脩字。當以脩爲正。臧在東云。正義本作消消。云定本消消作脩脩。今正義本改脩爲脩。唯岳氏九經三傳沿革例所引不誤。

以重言釋一言

詩亦汎其流。傳云汎汎流貌。有洸有潰。傳云洸洸武也。潰潰怒也。箋云洸洸然潰潰然無溫潤之色。碩人其頤箋云長麗俊好頤頤然。咥其笑矣。傳箋皆云咥咥然笑。垂帶悸兮。傳箋皆云悸悸然有節度。條其獻矣。傳云條條然獻。零露漙兮。傳云漙漙然盛多。子之丰兮。箋云面貌丰丰然。零露漙兮。傳云漙漙然蕭上露貌。疇咨背憎。傳云疇猶疇。疇然咨猶咨咨然。有扁斯石。傳云扁扁乘石貌。匪風發兮。匪車偈兮。傳發發飄風。非有道之風。偈偈疾驅。非有道之車。匪車嘌兮。傳嘌嘌無節度也。

鶴鳴九皋

臧在東云。今本鶴鳴于九皋五字爲句。案史記滑稽傳。論衡藝增篇。風俗通聲音篇。文選東方曼倩答客

難後漢書注五十九初學記一白帖一百九十四文選注十三又廿四又四十三皆引詩鶴鳴九皋無于字賈昌朝羣經音辨引詩亦無于字是北宋人尙見古本也唐石經有于字今本並因之鵲中浴云說文鵲字下云鳴九皋聲聞于天似亦引詩而無于字東塾云蜀志秦宓傳引詩亦無于字

譖

詩桑柔朋友已譖瞻卬譖始竟背兩譖字鄭皆訓爲不信則字當从僭與讒譖字異

僭

臧在東云毛詩凡僭字皆訓爲僭慘字皆訓爲憂戚如節南山僭莫懲嗟傳僭曾也十月之交胡僭莫懲傳僭曾民勞僭不畏明傳僭曾也雲漢僭不知其故箋云曾不知爲政所失而致此害是僭訓曾之證也月出勞心慘兮釋文憂也正月憂心慘慘傳慘猶戚戚也抑我心慘慘傳慘慘憂不樂也是慘訓憂戚之證也雨無正僭僭曰瘁據箋云僭僭憂之則當作慘今各本皆作僭誤也攷釋文十月之交云胡僭亦作慘民勞云慘不本亦作僭則唐以前二文已混陸氏不能定所適從故雨無正慘誤作僭民勞僭又誤爲慘也

云何盱

何人斯云何其盱唐石經無其字予初疑爲脫漏頃見臧在東云卷耳云何盱矣都人士云何盱矣文法

與此同。卽三字爲句。未始不可。箋云。於女亦何病乎。旣何病連文。知中無其字矣。此亦當從石刻。
爰其適歸

四月。爰其適歸。朱文公集傳。依家語訓奚爲何。然亦未嘗輕改經文。但於本句下注云。爰家語作奚而已。今流俗本刪去元注。直改經文作奚。此明代郵學究所爲。非朱傳之元本也。

膜

周原臙臙。當從韓詩作膜膜。臙膜聲雖相近。而膜與飴。謀。龜。止。時於韻尤協也。左思魏都賦。膜膜垌野。劉涓林注引詩。周原膜膜。

板

上帝板板。當從爾雅作版版。說文只有版字。無板字。今毛詩家縮版之版。从片。板。板之板。从木。分爲兩義。失其舊矣。古音方反。兩字皆重唇。故訓方爲版。釋器。餅金謂之鈹。郭氏注引周禮。供其金鈹。攷周禮職金。共其金版。注引爾雅。亦是版字。魏晉儒師。強立偏旁。妄生分別。故有从金从木之別。

造

造次爲雙聲。故造可轉爲次音。詩。小子有造。與士韻。躡躡王之造。與晦介。嗣韻是也。春秋傳。使佐遠氏之筮。筮次室也。是造有次義。

有郃家室

生民卽有郃家室。據說文宋槧本。邑部郃字下引詩曰。有郃家室。今毛本添入卽字。呂氏春秋辨土篇注引詩實穎實栗。有郃家室。皆無卽字。

岸

詩皇矣。誕先登于岸。傳以岸爲高位。謂先天下升於高位也。箋云。誕大登成岸。訟也。天語文王。欲廣大德美。當先平訟。正曲直也。案訓岸爲訟。本於小宛宜岸宜獄。依此說方與下文伐密意相應。宋儒以爲先登道岸。未知所本。殆取佛家彼岸之語。惠仲儒譏其援釋入儒。非過論也。

壺

旣醉室家之壺。傳訓壺爲廣。國語叔向引此章。而云。壺也者。廣裕民人之謂也。是壺之爲廣。自昔有此訓矣。古人先齊家而後治國。父子之恩薄。兄弟之志乖。夫婦之道苦。雖有廣廈。常覺其隘矣。室家之中。寬然有餘。此之謂壺。

愬風

桑柔。如彼遡風。唐石經本作愬。今磨改作遡者。宋人爲之也。李善注文選月賦。引詩。如彼愬風。袁宏北征賦。或不絕于予心。愬流風而獨寫。正用此詩。

韓奕其蘇維何。維筍及蒲。說文艸部無蘇字。惟彌部霽或作蘇。云鼎實。惟葦及蒲。蓋卽詩之維筍及蒲。但葦與筍字小異耳。許君序云。其僞詩毛氏。此文不稱詩。知出於三家本。又以推知許所見詩。其蘇字亦必爲蘇也。郭景純山海經圖讚。赫赫三事。鑒於覆蘇。蘇與蘇同物。故許以葦蒲當鼎實。鄭注周易亦云。蘇菜也。廣韻分菜茹與鼎實爲兩義。蓋失之。

降予卿士

商頌允也。天子降予卿士。箋云。天命而予之。下予之卿士。謂生賢佐也。唐石經及岳本。南北監本。毛本日。本國本皆是予字。唯朱文公集傳本作于。臧在東云。嘗見元人所刻集傳。亦作予。蓋後來刊刻之誤。非朱子之誤也。

毛傳多轉音

古人音隨義轉。故字或數音。小旻。謀夫孔多。是用不集。與猶咎爲韻。韓詩集作就。於音爲協。毛公雖不破字。而訓集爲就。卽是讀如就音。書顧命。克達殷集。大命。漢石經集作就。吳越春秋。子不聞河上之歌乎。同病相憐。同憂相救。驚翔之鳥。相隨而集。瀨下之水。回復俱留。是集有就音也。瞻卬。藐藐昊天。無不克鞏。傳訓鞏爲固。卽轉從固音。與下句後爲韻也。載芟。匪且有且。傳訓且爲此。卽轉從此音。與下句茲爲韻也。顧

亭林泥於一字祇有一音。遂謂詩有無韻之句。是不然矣。

溱洧之溱。本當作澮。說文。澮水出鄭國。引詩。澮與洧。方渙渙兮。是也。今毛詩作溱者。讀澮如溱。以諧韻耳。溱卽澮之轉音。不可謂詩失韻。亦不可據詩以疑說文也。魯頌。烝徒增增。傳云。增增衆也。本爾雅釋訓文。而小雅室家溱溱。傳亦云。溱溱衆也。增溱聲相近。轉增爲溱。亦以諧韻。與澮洧作溱洧同。說文澮。司馬相如從澮。

詩序

王氏困學紀聞引葉氏云。漢世文章。未有引詩序者。魏黃初四年詔云。曹詩刺遠君子。近小人。蓋小序至此始行。近儒陳啓源始非之云。司馬相如難蜀父老云。王事未有不始於憂勤。而終逸樂。此魚麗序也。班固東京賦。德廣所及。此漢廣序也。一當武帝時。一當明帝時。可謂非漢世耶。吾友惠定宇亦云。左傳襄廿九年。此之謂夏聲。服虔解誼云。秦仲始有車馬禮樂之好。侍御之臣。戎車四牡。田狩之事。與諸夏同風。故曰夏聲。又蔡邕獨斷。載周頌卅一章。盡錄詩序。自清廟至般。一字不異。何得云至黃初始行于世耶。愚謂宋儒以詩序爲衛宏作。故葉石林有是言。然司馬相如班固。皆在宏之前。則序不出於宏。已無疑義。愚又攷孟子說北山之詩云。勞於王事。而不得養父母。卽小序說也。唯小序在孟子之前。故孟子得引之。漢儒謂子夏所作。殆非誣矣。說詩者不以文害辭。不以辭害志。詩人之志見乎序。舍序以言詩。孟子所不取。後儒去古益遠。欲以一人之私意窺測古人。亦見其惑已。

十駕齋養新錄卷第二

建柶誤作捷柶

士冠禮筵末坐啐醴捷柶興。唐石經捷作建。案士昏禮亦有坐啐醴建柶興之文。則石經是也。鄭注當云。建柶扱柶于醴中。陸德明所見本。扱柶之扱作捷。故音義云。捷柶初洽反。又作鍤。又作扱。此爲注音。非經有捷字也。宋人刻釋文者。誤疑經文作捷柶。并注中建字。亦改爲捷。曾不一檢士昏禮文。沿譌數百年。賴有石經正之。此石經所以可貴也。子見小字宋本儀禮經注俱是建字。

摯

摯正字。贊俗字。士冠士昏二篇皆用摯字。獨士相見篇皆作贊。蓋張澹所改。張澹儀禮識誤云。此卷贊字釋文云。贊本又作摯。音同。其從手者。必非陸氏所釋本。今改從貝。唐石經本作摯。北宋刊本猶然。

君之庶子

小功章大夫之妾爲庶子。適人者。唐石經初刻爲下有君之二字。後磨改去之。予案注云。君之庶子。女子也。則經文當有君之二字。大功章大夫之妾爲君之庶子。正與此文同。今本皆無此二字。蓋從唐人磨改本。予嘗謂石經初刻本有勝於改本者。惜其文多曼滅。不能一一辨切耳。

朴

瞿中溶云禮經朴字鄉射篇凡十五見取朴一倚朴一去朴六摺朴六與朴一大射篇凡廿一見取朴一去朴七摺朴九倚朴三石經初刻並從木後磨改从才其有未經磨改而作扑者皆朱梁補刻案古無扑字說文木部朴訓木皮鄭注取朴云朴所以撻犯教者蓋古人止用木皮撻人以爲教學之刑其物卽名之曰朴虞書所謂朴作教刑是也後人緣朴有撻意遂改从手張參知朴不从手故五經文字手部不收此字木部亦不收朴字則其遺漏也九經字樣乃收之則此磨改之弊或卽出於唐元度之手今本皆沿其謬矣石經周大刑朴對朴字尙从木有此元刻之僅存者

涅

既夕記隸人涅廁注涅塞也案說文涅黑土在水中也涅無塞義蓋卽斂字書費誓斂乃穿斂塞也涅斂聲相近故借用涅字

紉

士喪禮緇衾賴裏無紉注紉被識也疏謂被本無首尾生時有紉爲記識前後予謂被之有紉若今時當頭矣吳中方言以被識爲當頭紉當聲相近

復

魏鶴山云。魂氣升于天。體魄降于地。儀禮禮記。所以有升屋而號皋某復之別。而屈原招魂。舉東西南北。以爲文字。亦是禮上起義耳。牟存友向屢覽。覽必令人升屋呼之。卽惺。亦是此義。

挈

周禮草人。駢剛用牛。注。故書駢作挈。杜子春讀挈爲駢。予謂挈無義。與駢聲不相近。當是挈字。說文。挈。赤剛土也。挈。譌爲挈。猶輕輿之譌爲輿。

媿

師氏掌以媿詔王。媿。古美字。此字不見說文。非漏落也。古文微與尾通。堯典。葦尾。史記作字微。論語。微生畷。漢書作尾生晦。媿。从微。當與媿通。詩。誰俯予美。韓詩。美作媿。說文。女部有媿字。則該乎媿矣。帥與率亦古通用字。悉蟀卽悉豐。說文有豐。無蟀。非謂豐不可作蟀也。徐鉉以蟀爲俗。蓋未諭許君之例。

卅

卅人注。卅之言礦也。說文。石部。礦。銅鐵樸石也。古文作卅。周禮有卅人。康成讀卅爲礦。卅卽礦。與說文正合。卅。礦聲相近。故古文借作礦字。

禮記內則。濡魚卵醬。實蓼。注。卵讀爲鯤。鯤。魚子。或作攔也。內則之卵。本是卅字。故又有攔音。詩。其魚魴鰈。康成訓鰈爲魚子。鰈。鯤。卅。聲皆相近。卒从卅聲。關。又从卒聲。攔。則漢時俗字。與鰈亦同音也。

筭當爲筭

考工記。舛胡之筭。注云。故書筭爲筭。杜子春云。筭當爲筭。筭讀爲彙。謂箭彙。案說文竹部無筭字。唐石經本作筭。字雖損壞。而下半从句。不从可。筭與筭形相似。與彙聲尤相近。當從石經爲正。

綱

矢人參分其長而綱其一。釋文。綱本又作殺。案殺說文正字从杀。从閃。無意義。蓋卽籀文殺字之譌。元和江藩字鄭堂與予說同。周禮多古文。故殺作殺。

勉卽俛字

矢人前弱則俛。後弱則翔。唐石經俛作勉。顧寧人以石經爲誤。予謂勉與俛。古人多通用。隤勉。漢碑多作僂。僂。陸機文賦。在有無而僂俛。李善注引詩。何有何無。僂俛求之。漢書谷永傳。閔免遁樂。師古注。閔免猶隤勉也。表記。俛焉。日有孳孳。讀如勉。此經又讀勉爲俛。音同義亦同也。瞿中溶云。古人訓放假借。多取聲相近之字。以訓故言之。孔穎達左傳。袞冕疏。賈公彥儀禮士冠禮。周禮弁師疏。俱云。冕俛也。其說蓋本白虎通。白虎通云。十一月之時。陽氣冕仰。黃泉之下。萬物被施。前冕而後仰。故謂之冕。是也。以假借言之。白虎通以冕當俛字。此經又以勉當俛字。此古免免同音之確據也。後世言字學者。不知免有免音。遂以增減一筆。強分爲二。轉疑說文漏載免字。失之甚矣。

孺子

今人以孺子爲童穉之通稱。蓋本於孟子。攷諸經傳。則天子以下。嫡長爲後者。乃得稱孺子。金滕洛誥立政之孺子。謂周成王也。晉語里克先友。杜原款稱申生爲孺子。里克又稱奚齊爲孺子。晉獻公之喪。秦穆公使人弔公子重耳。稱爲孺子。而舅犯亦稱之。是時秦欲納之爲君也。孺子贛之喪。哀公欲設撥。亦以世子待之也。齊侯荼已立爲君。而陳乞鮑牧稱爲孺子。其死也。諡之曰安孺子。則孺子非卑幼之稱矣。欒盈爲晉卿。而胥午稱爲孺子。左傳稱孟莊子曰。孺子速。武伯曰。孺子洩。莊子之子。秩雖不得立。猶稱孺子。是孺子貴於庶子也。齊子尾之臣稱子良曰。孺子長矣。韓宣子稱鄭子蠶曰。孺子善哉。皆世卿而嗣立者也。內則異爲孺子室於宮中。母某敢用時日。祇見孺子亦貴者之稱。唯檀弓載有子與子游立。見孺子慕者。弁人有其母死而孺子泣者。此爲童子通稱。與孟子同。又左傳季桓子之妻曰南孺子。則又以爲婦人之稱。

張老善頌

檀弓。美哉輪焉。美哉奐焉。歌於斯。哭於斯。聚國族於斯。輪與奐韻。哭與族韻。此句中有韻之例。故晉人謂之善頌。

禮地神

檀弓有司以几筵舍奠於墓左。反日中而虞。注舍奠墓左爲父母形體在此。禮其神也。正義云置於墓左。禮地神也。言以父母形體所在。故禮其地神以安之。今世營葬必於其側立石。題后土之神。臨葬設酒脯祀之。蓋古禮也。

使子路問之

夫子式而聽之。使子路問之。唐石經及相臺岳氏本作子貢。日本山井鼎亦云。宋板作子貢。

祭殤不舉

曾子問祭殤不舉。今本舉下有肺字。蓋後人依鄭注羸入也。唐石經及相臺岳氏本衛湜集說皆無肺字。

嘉靖徐氏翻刻宋本亦同。

貸

月令貸字三見。陸氏釋文於孟春宿離不貸則云吐得反。徐音二。於季夏無或差貸則云音二。又他得反。於仲冬毋有差貸亦云音二。又他得反。皆兼存兩音。而先後微異。似差貸字以音二爲正。以予攷之。殊未然也。說文岱失常也。忒更也。兩字皆他得反。差貸字本當从心作岱。經典借用从貝之貸。仍讀如忒。與疑忒之貳形聲俱別。六朝字體不正。或譌爲貳。故徐仙民有此音。陸氏不能辨正。沿譌到今。

朽與香對

列子稱逢氏子有迷罔之疾。視白以爲黑。饜香以爲朽。常甘以爲苦。古人香與朽對。取其相反。猶味有甘苦也。月令。春之臭羶。夏之臭焦。中央之臭香。秋之臭腥。冬之臭朽。大學如惡惡臭。論語臭惡不食。臭之惡者不食。非五臭皆不食也。說文。𦉑。腐氣也。臭腐字當用此。後人溷臭𦉑爲一字。乃以臭與香對。蓋始於廣雅。

𦉑

郊特牲。𦉑之爲言敬也。釋文。𦉑音祈。案說文無𦉑字。當與祈同。祈敬聲相近也。少牢禮。主人羞𦉑俎。注。𦉑敬也。士虞記。用專膚爲折俎。注。今文字爲折俎。而說以爲𦉑俎。亦甚誣矣。據鄭所言。知當時固有作𦉑字者。許君不收𦉑字。疑亦以折俎當𦉑俎。但意與鄭義不同耳。折从斤。亦當有祈音。檀弓。吉事欲其折折爾。注。引詩。好人提提。解之。蓋讀折如提也。古音提與祈相近。如左傳。提彌明。或作祈彌明也。

周禮。肆師及其祈珥。注。故書祈爲幾。杜子春讀幾爲祈。又犬人。凡幾珥。沈辜。注。鄭司農讀幾爲祓。引周禮。祭山曰廐縣。然則幾。祈。廐。祓。四字。同音亦同義也。管子。山高而不崩。則祈羊至矣。祈羊。謂廐縣之羊。

厭

大學。此之謂自謙。注。謙讀爲慊。慊之言厭也。疏。以厭爲安靜之貌。案詩。厭厭夜飲。毛云。厭厭安也。厭安聲相近。故展轉相訓。王子淵洞簫賦。清靜厭慙。說文。慙。靜也。厭。慙雙聲。故兼有靜義。所謂靜而后能安也。

素位

君子素其位而行。注。僕皆讀爲素。案注中僕素兩字當互易。鄭前注素隱行怪云。素讀爲攻其所僕之僕。故此處省文。但云素皆讀爲僕耳。前後諸素字。鄭皆取僕義。而訓爲鄉。詩如彼遡風。毛傳亦訓爲鄉。遡素同音。又同義也。山井鼎所記宋板禮記注疏與予校正同。

鬼神

鬼神之爲德。其盛矣乎。鬼神謂天神地示人鬼也。有神而後有郊社。有鬼而後有宗廟。天統乎地。故言神可以該示。人死爲鬼。聖人不忍忘其親。事死如事生。故有祭祀之禮。經言鬼神皆主祭祀而言。卜筮所以通神明。故易傳多言鬼神。精氣爲物。生而爲人也。游魂爲變。死而爲鬼也。聖人知鬼神之情狀。而祭祀之禮興焉。橫渠張氏以鬼神爲二氣之良能。古人無此義。二氣者陰陽也。陰陽自能消長。豈假鬼神司之。如人一呼一吸。人自爲之。豈轉有鬼神爲我呼吸乎。

的然

小人之道的然而日亡的。非古字。當作的说文日部的明也。从日勺聲。引易爲的。類今本易亦轉寫作的矣。又火部焯明也。从火卓聲。引周書焯見三有俊心。今尙書焯作灼。說文灼炙也。與焯見義有別。覲禮匹馬卓上。注卓猶的也。以素的一馬爲上。卽易之的。類也。魯峻碑喚矣的。與遼遼。園樂協韻。是。的有卓音。的然猶焯然。

也。火部又有炮字。望火良。讀若駒。類之駒。駒類卽的類之異文。的也。炮也。焯也。文異而音義同。

子贖

說文贖。賜也。貢獻也。兩字音同義別。子貢名賜。字當从贖。論語作貢。禮記唯樂記一篇稱子贖。餘與論語同。左傳定十五年。哀七年。十二年。作子貢。哀十五年。十六年。廿六年。廿七年。作子贖。

吳草廬中庸綱領

吳草廬中庸綱領一篇。分中庸爲三十四章。與朱文章句頗有異同。哀公問政。至知人知天爲一章。天下之達道五。至可以治天下國家矣爲一章。凡爲天下國家有九經。四節爲一章。凡事豫則立。以下爲一章。唯天下至誠爲能盡其性。兩節爲一章。誠者自成也。至悠久無疆爲一章。天地之道可一言而盡。至純亦不已爲一章。愚而好自用。至蚤有譽於天下者也爲一章。

親民

大學之道在親民。民之所好好之。民之所惡惡之。此之謂民之父母。此親民之實也。宋儒改親爲新。特因引康誥作新民一語。而不知如保赤子。亦康誥文。保民同于保赤。於親民意尤切。古聖人保民之道。不外富教二大端。而親字足以該之。改親爲新。未免偏重教矣。親之義大於新。言親則物我無間。言新便有以貴治賤。以賢治不肖氣象。視民如傷者。似不若此。後世治道。所以不如三代。正爲不求民之安。而務防民

之不善。於是舍德而用刑。自謂革其舊染。而本原日趨於薄矣。竊謂大學親民。當仍舊文爲長。

譬

人之其所親愛而辟焉。以下五句辟字。唐石經皆作譬。今注疏本作辟。而注仍用譬字。云譬猶喻也。言適彼而以心度之曰。吾何以親愛此人。非以其有德美與。吾何以敖惰此人。非以其志行薄與。反以喻己。則身修與否。可自知也。宋儒讀辟爲僻。不如舊注之精當。

貪戾

一人貪戾。注戾之言利也。戾或爲吝。鄭義本謂貪戾卽貪利耳。故下注云。君若好貨。而禁民淫于財利。不能止也。一人貪利。而一國作亂。卽下章財聚則民散。貨悖而入。亦悖而出之義。

修爵

鄉飲酒義。降說屢升坐。修爵無數。熊氏以修爵爲行爵。後儒無異說。愚案鄉飲酒禮云。說屢揖讓如初。升堂。乃羞。無算爵。經文本無修字。始悟修乃羞之誤。聲相近也。羞字爲句。禮所云。乃羞也。爵無數爲句。禮所云。無算爵也。

王者禘其祖之所自出

大傳。王者禘其祖之所自出。以其祖配之。喪服小董仲舒有言。天者。祖之所自出也。章元成等奏議引祭

義王者禘其祖之所自出。以其祖配之。而立四廟。喪服小記文言始受命而王。祭天以其祖配。而不爲立廟。親盡也。若周之祖嚳立親廟四。親親也。三禮義宗云。夏正郊天者。王者各祭所出。帝于南郊。卽大傳所謂王者禘其祖之所自出。以其祖配之也。

寔來

桓六年春正月寔來。注寔實也。案玉篇寔時弋切。是也。實時質切。不空也。兩字音義俱別。詩大雅實墉實壑。實畝實籍。箋云實當作寔。趙魏之東實寔同聲。正義云春秋桓六年州公寔來。左氏作實來。由聲同。故字有變異也。今本左氏亦作寔。與詩正義所引異。蓋孔氏所據。乃服虔本。非杜本也。覲禮伯父實來。注今文實作寔。是實卽寔之古文。春秋公穀爲今文。左氏爲古文。故二傳作寔來。左氏作實來。杜元凱改從二傳。失古文之舊矣。詩寔命不同。韓詩作實。

曼

左傳桓五年曼伯爲右拒。釋文曼音萬。隱元年無使。滋蔓亦音萬。古有重唇無輕唇。故曼萬同音。今吳中方音千萬之。萬如曼。此古音也。六朝人讀萬爲輕唇音。邨夫子習於所聞。并讀曼爲輕唇。則失之遠矣。春秋戎蠻子。公羊作戎曼子。

寔

隱十一年館于寯氏。史記魯世家作爲氏。爲遠古通用。孟僖子有遠氏之簠。其卽寯氏之族乎。

陪

僖三十年焉。用亡鄭以倍鄰。唐宋石經及岳氏本俱作陪。據杜注。倍益也。則从自爲正。釋文陪蒲回反。是陸亦作陪也。

不闕秦焉取之

若不闕秦將焉取之。唐石經本無若將二字。出於後人竄添。宋高宗御書左傳亦無之。

羊斟不與

宣二年宋華元殺羊食士。其御羊斟不與。據後文羊斟兩見。是羊斟爲人姓名。案淮南繆稱訓云。魯酒薄而邯鄲圍。羊羹不斟而宋國危。則斟爲斟酌之義。當以羊爲其御之名。斟不與三字爲句。細玩下文。其御字叔牂。正與羊名相應。則淮南說亦可通。傳文後兩斟字。或後人所加。

感卽憾字

宣十二年二憾往矣。成二年朝夕釋憾。唐石經初刻皆作感。後乃加心宀。惟昭十一年唯蔡於感不加心宀。蓋刊改偶未及耳。說文無憾字。感卽憾也。此初刻之勝于後改者。

戊戌

春秋傳人名。皇戌。向戌。穿封戌。沈尹戌。皆从戌。从一。讀如卹。唯公叔戌。从人。从戈。乃戌守之戌。兩字相似。刻本往往互瀾。獨唐開成石經。點畫分明。石刻之可貴如此。

乘

襄十二年。吳子乘卒。卽壽夢也。服虔以壽夢爲發聲。壽夢一言也。經言乘。傳言壽夢。欲使學者知之也。予謂乘壽皆齒音。壽當讀如疇。與乘爲雙聲。夢古音莫登切。與乘疊韻。併兩字爲一言。孫炎制反切。蓋萌芽於此。

匱盟

成二年。盟于蜀。卿不書。匱盟也。晉語。今陽子之貌濟。其言匱。非其實也。章注。言不副貌爲匱。匱盟之義當用此。

吳行人儀

吳語。吳夫差旣勝齊。使行人奚斯。釋言于齊。卽檀弓之行人儀也。奚斯疊韻。并言之。則成儀字。魯公子奚斯。亦作公子魚。魚儀聲相近。

絳縣人七十三年

絳縣人生於文公十一年。至襄公三十年。當爲七十四年。而傳稱七十三年者。古人以周一歲爲一年。絳

縣人生正月甲子朔。於周正爲三月。至是年周正二月癸未。尙未及夏正月朔故也。仲尼生於襄廿一年。至哀十六年卒。亦是七十四年。而賈逵注云七十二年。正以未周歲故。與絳縣人記年一例。史記倉公傳。臣意年盡三年。年三十九歲也。蓋倉公生於冬末。顧亭林謂古人以歲盡之日而後增年。亦無它據。

蔽

襄廿七年。子罕曰。以誣道蔽諸侯。罪莫大焉。正義云。服虔曰。蔽。踣也。一曰。罷也。則知服本作弊。王肅董遇本皆作蔽。謂以誣人之道掩諸侯也。杜本作蔽。當如王董爲蔽掩之也。陸氏釋文云。服虔王肅董遇並作弊。與正義不同。恐陸氏誤也。案如王董說。當以誣道二字連文。如服說。當以道弊連文。襄十一年。范宣子曰。諸侯道敝而無成。能無貳乎。與此傳同義。謂諸侯兼事晉楚。則罷於奔命也。當從服說。作弊爲是。弊敝古通用。

天厲

襄卅一年傳。盜賊公行。而天厲不戒。唐石經天作天。攷宋毛居正六經正誤云。注疏及臨川本作天地之天。興國及建本作天闕之天。案杜氏云。厲猶災也。言水潦無時。據此。則當作天地之天。然傳中有言疫癘。天札。則天字亦不爲非。姑俟達者。然則宋本已有互異。毛氏疑而未決。今以唐石經證之。又與杜義相協。可正向來刻本之誤。天字二字。易於相溷。昭元年。趙孟曰。天乎。與上文亡乎相對。謂國既不亡。則君當天折也。今本譌爲天。

褚

襄三十年取我衣冠而褚之。杜注：褚，畜也。大昕謂古讀畜積之畜，敕六切。褚，畜聲相近也。歸安嚴元照云：古褚貯兩字聲近通用。呂氏春秋先識覽云：我有衣冠而子產貯之。一切經音義引左傳亦作貯。盧抱經學士云：周禮廩人注：儲藏。釋文云：儲本或作貯。又作褚。

徒兵

襄廿五年賦車兵徒卒甲楯之數。唐石經徒卒作徒兵。顧氏金石文字記以爲石刻之誤。梁孝廉履繩云：杜於徒兵下注云：步卒。釋文：卒子忽反。若傳文爲徒卒，則杜不須注。陸氏何不舉傳文而標注字邪？顧說非也。光堯石經及岳氏本並作徒兵。戈小蓮云：隱四年諸侯之師敗鄭徒兵。襄元年諸侯之師伐鄭，敗其徒兵於洧上。昭二十年太叔興徒兵以攻萑苻之盜。傳文言徒兵者屢矣。徒兵與車兵對。今本作徒卒，非也。

向戌如陳

襄廿七年丁卯，宋向戌如陳。唐石經無宋字。案上文已書宋向戌，此不當更舉宋名。石經是也。驗石刻亦先有此字，後磨改去之。

高子容

襄廿九年高子容與宋司徒見知伯。今本高上有齊字，非也。傳於列國諸卿或書國或不書國，皆有義例。

如此篇太叔文子不書衛高子容不書齊已見經文故也。經不書游吉。故子太叔稱鄭以別之。華定書官不書族。故稱宋以別于它國。左氏傳不可損益一字如此。今從唐石經本。

且

成二年韓厥夢子輿謂己曰。且辟左右。唐石經且作旦。凡夢必在夜。故左氏紀夢每言且。庚宗之夢。則云旦。召其徒。社宮之夢。則云旦。而求之。曹是也。石刻字畫分別。可證俗本之譌。顧寧人轉以石刻爲誤。偵到甚矣。昭廿五年。宋公夢太子樂。卽位于廟。己與平公服而相之。旦召六卿。今本亦誤爲且。唯石經不誤。

大人患失

昭十八年。大人患失而惑。患失卽論語言鄙夫其未得之也。患得之。旣得之。患失之者也。患失之人。曾無定見。故易惑。杜云。患有學而失道者。以惑其意。此說非是。

乍

定八年。桓子乍。謂林楚。唐石經本作乍。後人加口於左旁。案杜注。乍。暫也。孟子。今人乍見孺子。趙岐訓乍爲暫。乍。暫聲相近。疑經注皆無口旁。後人妄增。非杜氏之舊也。錢唐梁履繩云。乍字經典罕見。左傳果有此字。張參五經文字。何以不收。當從初刻。

妃牆

哀元年宿有妃嬙嬪御焉。唐石經嬙作牆。陸氏釋文云。嬙本又作牆。或作牆。案說文無嬙字。當依石經爲牆。漢隸引旁字或變从广。廣牆實一字也。

莒子狂

哀十四年莒子狂卒。唐石經旁从王。釋文狂其廷反。蓋讀狂爲上聲。相臺岳氏本亦作狂。而圈上聲。與釋文合。今注疏本誤作狂。并釋文亦改爲其廷反。攷古字書無狂字。

衡流而方羊

哀十七年如魚鱓尾。衡流而方羊。裔焉大國。滅之將亡。杜氏以裔焉連上爲句。劉炫謂當以方羊爲句。其說當矣。而孔穎達曲護杜義。辨之甚力。然毛詩正義亦出穎達之手。而汝墳疏引左傳如魚鱓尾。衡流而徜徉。正與劉氏讀合。且引鄭衆注爲證。仍不取杜說。

四方其順之

哀二十六年四方其訓之。唐石經訓作順。岳氏本亦是順字。正義云。四方諸侯皆順從之。是正文作順。無可疑者。今注疏本作訓。蓋後人依詩文輒改之耳。古書訓與順多通用。洪範于帝其訓是訓是行。史記宋世家皆作順。

正義刊本妄改

春秋正義隱公以平王四十九年卽位。是歲歲在豕韋。桓公以桓王九年卽位。是歲歲在元枵。莊公以莊王四年卽位。是歲歲在鶉火。閔公以惠王十六年卽位。是歲歲在大梁。僖公以惠王十八年卽位。是歲歲在鶉首。文公以襄王二十六年卽位。是歲歲在降婁。宣公以匡王五年卽位。是歲歲在壽星。成公以定王十七年卽位。是歲歲在降婁。今刊本無此六字。當是傳刻脫去。襄公以簡王十四年卽位。是歲歲在壽星。昭公以景王四年卽位。是歲歲在大梁。定公以敬王十一年卽位。脫是歲歲在某次句。哀公則不載正義本文。但于白文疏字下出同上兩字。謂與陸氏釋文相同。不復重出也。以昭三十二年歲在星紀。推之則定元年歲在元枵。哀元年歲在大梁也。釋文與正義各自一書。宋初本皆單行。不相殺亂。南宋後乃有合正義於經注之本。又有合釋文與正義于經注之本。欲省學者兩讀。但旣以注疏之名標于卷首。則當以正義爲主。卽或偶爾相同。亦當並存。豈有刪正義而就釋文之理。況以前十一公攷之。皆正義詳于釋文。正義之例。每公皆引魯世家。皆有以某王某年卽位之語。而釋文無之。獨哀公釋文多敬王二十八年卽位一句。此必校書者以意竄入。謬妄相承。蔑有悟其非者。可三歎也。

何氏注公羊傳

公羊傳襄公二十一年十一月庚子。孔子生。注時歲在乙卯。疏作己卯。二文當有一誤。疏云何氏自有長歷。不得以左氏難之。案魏晉以來。推襄廿一年皆云己酉。而何氏乃云乙卯。故疏家依違其詞。謂何氏別有長歷。亦無

明文可證。今以三統歲術超辰之法計之。襄二十一年歲在實沈。太歲當是乙巳。則何注乙卯必乙巳之譌也。襄廿一年距上元十四萬二千六百七十九滿歲數一千七百廿八去之。歲餘九百八十三。以百四十五乘之。得十四萬二千五百三十五。盈百四十四而一。得九百八十九。爲積次。滿六十去之。大餘廿九。起丙子算。外正得乙巳歲。自襄二十一年孔子生。距漢元年三百四十六歲。又自漢興距光武建武元年二百三十歲。合五百七十六算。正當超四辰。故知何所據者。超辰古術。非別有長歷也。左氏襄二十八年歲在星紀。歲星與太歲常相應。星在星紀。則歲當在子。而今人以爲丙辰。亦差四算。然則孔子生年必爲乙巳。非乙卯無疑矣。

襄廿八年歲在星紀。而淫于元枵。正義云。三統之歷。以庚戌爲上元。當云以丙子爲上元。孔氏未曉超辰之理。誤以爲庚戌。此年距上元積十四萬二千六百八十六歲。置此歲數。以歲星歲數一千七百二十八除之。得積終八十二。去之。歲餘九百九十。以一百四十五乘歲餘。得十四萬三千五百五十。以一百四十四除之。得九百九十六。爲積次。不盡一百二十六。爲次餘。以十二今刊本作二十一。誤。除之。除積次也。得八十三。去之。盡是爲此年更發初在星紀也。案古法。太歲與歲星常相應。三統本以丙子爲上元。今欲知太歲所在。卽以六十去積次。不盡三十六。爲大餘。數起丙子。是爲襄廿八年太歲在壬子也。以是上推。孔子生襄二十一年。正當爲乙巳。孔沖遠不知古法。太歲亦有超辰。乃用後漢太史虞恭說。謂三統以庚戌爲上元。失之甚矣。自襄廿一年太歲乙巳。上溯隱元年。計一百七十算。太歲當在乙卯。而正義云。隱元年歲在豕韋。則是太

歲在甲寅也。因莊公廿三年太歲歲星皆在超辰之限。歲星既超實沈入鶉首。則太歲亦超乙巳而至丙午。故正義云。閔元年歲在大梁。知太歲在丙辰矣。

後漢人引緯書。以庚申爲西狩獲麟之歲。又以隱公元年爲己未之歲。與今人所推同。緯書出于東漢。其時太歲超辰之法已廢。自何邵公鄭康成諸大儒外。知之者尠矣。徐廣注史記。以共和元年爲庚申。非太史公本文。

孔子生年月日

左氏傳於哀十六年書孔子卒。而不書生年。公羊云。襄二十一年十一月庚子生。穀梁云。二十年十月庚子生。史記則云。二十二年孔子生。而無月日。攷賈逵注左傳。於襄二十一年云。此年仲尼生。又昭二十四年。服虔注引賈逵說云。仲尼時年三十五。是漢儒皆以孔子生在襄廿一年也。是年經書十月庚辰朔。則十一月無庚子。曰。予以三統術推襄公廿一年十月己卯朔。其月廿二日庚子。是爲宣尼生之日。年從公羊。月從穀梁。與賈服注左傳亦合。是歲距上元。積年十四萬二千六百七十九。滿統法去之。則入甲申統。十三。閏餘十八。又以月法二千三百九十二。乘積月。以日法八十一。除之。得積日三十九萬八千四百五十九。九。小餘七十七。積日滿六十去之。得大餘五十九。是襄廿一年。周正月癸未朔也。是歲閏餘十八。閏當在二月後。依術遞加二月癸丑朔。大閏二月癸未朔。小三月壬子朔。大四月壬午朔。小五月辛亥朔。大六月辛巳朔。小七月庚戌朔。大八月庚辰朔。小九月己酉朔。大十月己卯朔。小十一月戊申朔。大十二月戊寅朔。自襄廿一年至哀十六年。實七十四算。而賈云。年七十三者。古人以周歲始增年也。史記謂生於襄

廿二年。年七十三。則以相距之歲計之。
史記不以甲子紀年。朱文公論語序說引史記世家云。魯襄公二十二年庚戌之歲。昭公二十五年甲申。
定公元年壬辰。九年庚子。十年辛丑。十二年癸卯。十四年乙巳。哀公之十一年丁巳。十四年庚申。十六年
壬戌。皆文公以意增入。非史記本文。

